

嘉慶廬州府志

廬州府志卷十七

賜進士出身廬州府知府溫陵張鼎主修

學校志下

府治合肥縣

縣學舊在威武門外宋淳熙中郭少保振展拓城基遷於城內景賢書院元至正中總管拜住重建明洪武初知縣張義撤而新之永樂中李肅正統中方倖厯有增修景泰二年災知府史滿市都督王珪宅益大其規嗣是成化知縣陸淵周璣宏治知府馬金嘉靖知縣董執中天啟知府張正學知縣陳琯教諭江大魁皆相繼有事於學者也明末寇焚墻垣盡圯惟

聖廟明倫堂尊經閣僅存

國朝順治開訓導蘇紹軾教諭宰維翰知縣方象璜屢加修葺明倫堂歲久傾壞知府杜立本率僚屬捐貲改修崇聖祠舊在明倫堂西康熙四十四年教諭鍾于序改建尊經閣後乾隆四十四年知府恭祿知縣劉崑重修學宮並清理學基有邑人趙廷龍等議據詳載縣志

明張袞合肥縣儒學重修記合肥故有學在縣治之東北成化間復茲改建規制稍備而未大稱中更賢令數入嘗議修拓而病於時緇或煩於聽斷未暇也嘉靖辛丑高陽童君執中以鄉進士來領縣事越明年壬寅概茲學敝亟上其狀於提學御史楊公宜旣報可學之制有先師孔子廟廟之旁爲兩廡前有戟門有櫺星門其次有明倫堂堂之左右爲兩齋弦誦之舍膳養之館列置錯布視工緩急以漸修舉加於舊觀偉甚又於櫺星門內作泮池一架石爲梁周迴凡若干丈其下停泓澄瀏若造化者始判清濁上臨其上咸思澡德焉前此所

未有也其爲費取諸帑義佐以俸錢踰歲而告訖是爲  
癸卯秋八月教諭羅君文輔訓導張君恕葉君尚德爰  
命諸生蔣拱衛國等詣子請爲記子惟先王之建國也  
教學爲先自天子四學以至黨庠塾序莫不有教春秋  
合樂鄉射養老與夫受成獻賦訊囚之政亦莫不一出  
於學所以育明德而觀達材也其至矣我太祖高皇帝  
龍飛淮甸于戈甫定卽詔天下立郡縣學當夫首仗黃  
鉞一時合胞之產類多長材大略景附雲興自僉通海  
而下伐叛獲醜顯有戎功錫爵秉圭凡若干人列于名  
臣世世享祀今上明聖華威清晏詔議辟雍申學宮大  
典猷猷之士莫不嚮化合胞近在王畿方千里之內德  
化所漸武人革面釋鋌脫劍雍雍俎豆儀刑矣武人且  
然而況士乎昔周盛時武王旣載殷亂詩時邁之章有  
曰載戢干戈載櫜弓矢我求懿德肆于時夏允王保之  
夫以安百姓牧國家保王命率由懿德之士則士之貴  
不旣重乎國家養士於學而得若人焉以授文教以奮  
武衛則禮讓興行禍亂不作文武合一而全才出矣全  
才出而治道不其幸歟董君率作之意有以也於乎學  
宮之敝也有司知修之懿德之亡學之敝也而士不知  
修抱牘而嬉游於朋齒則謂何哉是故觀威儀定吉凶  
也稽墳典序志業也孔子曰入於其國而其教可知也  
士可不因是以視厥身乎子聞董君治合肥尙賢敦齒

去歸卽愿縣之人變呻而謠若眊而瞭神采煥然類新  
學宮之爲予得備書焉以告合肥之人士俾知善政自  
教學始

明江朝宗縣儒學題名記洪武初天下郡邑皆建儒學

而合肥縣學乃營於包孝肅公祠堂之右大成殿兩廡

戟門櫺星門偉然宏觀先因學舍頗隘又西市鄰居爲

明倫堂暨齋舍而師生朝經暮史進而講授退而肄習

咸有成績焉故事由教而登名科第列仕版者皆揚名

於石傳諸永久而學之碑石久未只成化戊子監察御

史天台陳公選膺上命來董南畿邵邑學政首謂人才

之育於賢舍選於科目黼黻皇猷笙簫贊治道厥係攸重

不有激勸之方則人將易而視之肉莽焉漢裂焉又就

知所當勸所當懲一日之不可忽哉郡守仁和朱公鏞

乃俾知縣事豐城朱華具匠匠石教諭廣平杜桓博考士

之得名者若干人始自開朝洪武初以次序列之僉謂

不可無記而郡守朱公余同年友也貽書來徵記顛末

用告後之人嗟乎夫子不云乎立身行道揚名於後世

孝也又曰君子疾沒世而名不稱焉則士之服習孔子

之道凡所以誦法先王尊所聞行所知措諸功業見諸

操履者政欲以成其名耳然名一也而榮辱係焉苟所

行善則所成之名亦善聞之者必將起敬起畏近而包  
孝肅公是已苟所行有未善則所成之名亦不可僞而

爲善孟子所謂雖孝子慈孫百世不能改是已名之所  
成稟乎可畏如此不亦重哉後之君子指而議之必有  
不得逃其質者矣由是言之名之所在信不可不慎如  
此而善惡攸判自當求勉其實以副立教者之本心也

尙勛之哉

朱汝霖重復忠義祠後學地記歲甲午秋余秉鐸來肥

甫蒞任值歲穀奉太守李公委辦賑務甫竣旋奉檄協

捕蝗蝻七月返署經歲一周徧歷窮鄉僻壤未暇稽學

署諸務也至是少休小憩東廂察其前爲忠義祠後則

學基隙地中界一墻爲鄰人畜牧藩溷之所竊疑先賢

安俯之地不應有此因詢諸耆老始得小隸周炳坡侵

據狀聞諸府下縣尹那公勘得實乃毀牆移潮復還

舊基并繪圖附牒余又以賑饑遠出乃延雲朋曹君倉

書邑人張君蒼厓付以修葺之任較舊祠加擴焉夫公

署如傳舍然豈余所獨利蓋修舉廢墜崇祀事而安忠

魂抑亦承乏斯職者之責也爰縷舉其顛末以告後來

者

朱汝霖重修學舍記合肥縣學東極舊有堂三閒後則

卑隘室家無所容外茅屋數椽以接賓客勢不能蔽風

雨余履任來思爲修葺苟完之計因循未果太守禮齋

恭公大尹聞風到公捐修學宮命董其事者清理學基

凡得居民侵佔地若干丈署基少拓因營度其地中築

廬州府志卷十一  
室四間前後徹其庭右建一廊接忠義祠其東及後北  
築牆圍之庭室堂與差爲完備是役也經始於己亥孟  
夏之吉越三閱月而落成凡糜白金三百兩後之履斯  
室者祠而葺之庶不亾以官署爲傳舍云

名宦祠在泮池東

鄉賢祠在泮池西

忠義祠

節孝祠

祭器見縣志

書目見縣志

正學書院在縣學西明嘉靖間督學耿定向知府喻南嶽建  
內有敬一廣居大成三堂志伊學顏二軒別置田三莊又  
名廬陽書院

學田詳縣志

社學六十四所在城九在鄉五十有五知府馬金建正德末  
督學林有孚毀城內諸祠增設十三所大學士楊一清記  
萬歷三年府志已云皆廢今多爲民居其遺迹可考者一  
五聖樓巷一永貞觀後一潛山廟旁一萬壽寺西一袁家  
巷一趙千戶巷一劉公祠旁一放生池旁

明楊一清廬州府社學記王制建邦設都天子命之教  
然後爲學小學在公宮南之左太學在郊是已而又曰  
無曠土無遊民食節事時民咸安其居樂事勸功尊君  
親上然後興學何哉興鄉學也夫學之設必始於國而  
教之則莫詳於鄉所謂上賢以崇德簡不肖以綈惡者  
皆自鄉學始則序術之建師正之司不輕而重也較然  
矣然自周之衰子產不毀鄉校則以爲賢其既毀者不  
既多乎而況秦漢以還學無定制若文翁者流則已爲  
異而敢論其鄉社之備乎太祖御極之初命天下郡邑  
皆有學至於今茲而不替而社之設亦著爲令其修建



與否則存乎其守令何如耳西充馬侯汝礪以刑部員  
外郎左遷廬州判三年陟同知又三年陟專守期月而  
事舉廢興慨然有志於禮樂之化曰此吾家學也當施  
於一邦其郡若邑所蒞學宮咸飭其所已有而增其未  
未闢福市四庫書以資博洽而躬考較焉如是者一年  
其郡學之薦於鄉者四人第進士者一人前此未有也  
寮案晉賀侯曰是特因其已成而造就焉耳養正於蒙  
必自社學始論鄉計里各有學如制附郡治者曰合肥其  
是哉檄所屬州縣各新社學如制附郡治者曰合肥其  
令孫紘勤慎而才授之以規而屬以專督縣所轄六十  
四里里各有社學屋皆廢而蒙右因奪其廢者有之乃  
循其址之猶存而新其館舍練以周垣固以重門者若  
干清拓其所奪而創造之者若干凡建於市者九於鄉  
者五十有五爲屋凡若干楹土木金石等費凡用錢若  
干緡始工於宏治十四年十月十日落成於次年三月  
三日它不傷財民不違時於是擇可模範者以司教事  
選俊秀以充學徒仍時視試較勸懲惰勤殆有比屋弦  
誦之風而田夫野老聿興教子之心矣邑人懼沒侯之  
功罔碑之孫令以書屬南京國子監助教戴君鏞曰君  
頃教六安知侯獨深碑宜君國戴君乃述其事謁予請  
記于惟今之爲政者簿書期會之外於學庠罔能奉上  
敬道故事以塞責焉者亦已爲能而求其探本於衆人

之所未知稽志於故典之所未備用力於上官督責之所不及若馬侯者不甚艱哉且其施爲次序有得於先王制禮之遺意又如此子辱交於侯之父少宗伯知其學有原委而侯之昆仲竝顯爲時所推皆養蒙之功也茲以其家所獨得而施之一邦又推一邦以達天下絜矩之道終身之行若是而已予復何以加諸維時分侯之責典侯之教登侯之學與夫嗣侯之位者責之以作聖之大功而勿啟之以利祿之外誘視之以司徒之基本而勿忽之以閭巷之細故則鄉社之教庶幾其永終乎斯則侯之意而予之所望者也故記之

### 舒城縣

縣學創始未詳元至正燬於兵惟虞集所撰碑記尙存邑人許榮改築於新城門外明洪武初知縣員堯移縣署西宣德中劉顯成化中楊縉宏治中張寶嘉靖中魏寶何傳雷孟冬黃誥隆慶中徐成位萬歷中王楨陳魁士錢允燦教諭封錫類雷芳增修大備亂後所存文廟數椽而已

國朝康熙三年知縣何朝聘捐俸倡修後王朝瑞重修明倫  
堂張廷標暨教諭徐千之又修學宮乾隆二十三年邑人  
靳宏士捐金重修五十八年教諭姜兆翀募金重新大成  
殿改建兩廡靳宏士孫文莊重修前殿

元虞集明倫堂記學校講學之地也古未有廟其釋奠  
於先聖先師者非廟也後世始爲廟以祀夫子通乎天  
下三四百年之間禮制寢盛我國家郡縣無大小皆得  
建學尤以廟爲重焉是以有司修祠典弗敢缺而教無  
其師師非其人則或有不暇計者此士大夫因循苟且  
之通弊要其識慮初不及此無怪其然也每城古邑也  
白宋季數有軍旅之事故學校之盛微不及東南然而  
山川高深風氣完密民生其間有中州質愿之美而奇  
巖幽谷往往有昔賢名人遺跡足以風動其人而其  
亦樂道之故其俗爲易化者矣延祐乙卯前令杜思敬  
始重建廟而講堂卑陋弗治久而益壞部使者宋公翼  
嘗督縣令改作辭以故逮變理溥化登蒙古進士第長  
是邑始出獨見捐已俸以天厯己巳之歲度材庀工撤  
而新之凡爲屋若干間規模宏敞始與廟稱未期告成

則某月也董役者典史周允耆儒宋楊椿傅熙宋文富  
蒞工者范應月胡本立皆儒也主順元年秋樊理君以  
職事如京師踵門來求文以記之今夫郡縣之吏急於  
簿書期會有不暇於爲治而況教乎樊理君之爲邑知  
重講習豈非知本者乎夫君臣父子兄弟夫婦朋友之  
倫本諸習理之固然有不待強名者豈有出於此五者  
之外者乎然而明之則序不明之則數此教之所由興  
也氣質之不齊雖萬其殊而大概智愚賢不肖之分而  
已矣斯倫也愚者有所不知不肖者又違而遠之故有  
待於啟迪矯矯率無疑也乃若賢且智者所謂質之美者  
也於其倫之所在亦知求盡其心焉然而不問聖賢之攸  
傳不經師友之辨則不足以知天理之節文精義之攸  
當則直情徑行必有墮於私意所爲疑似之近幾微之  
差其流弊反有以失其良心之正而貽世俗無窮之害  
焉此係於教者爲最切故古者學校之教壹是皆以明  
倫爲事豈非爲之深而慮之遠者乎嗚呼灑掃應對而  
敬其事則窮理盡性之學斯在服勤就養而盡其職則  
存神知化之妙以存不踰乎屋室戶庭之近而天地萬  
物之與已具不外乎耳目口鼻之用而陰陽鬼神之微  
已通人之所以爲人者亦大矣故曰聖人倫之至也  
不有以明之孰從而知之哉嗚呼其說亦微矣登斯堂  
者觀其名而思其賢因子之言而求髮理君之志庶幾

有所觀感也夫昔邑之君子有李公麟伯時嘗讀書龍  
眠山因以自號故有龍眠書院在縣治東飛霞亭之北  
國初東禪寺僧併之而書院廢燹理君得隙地於清心  
池亭之上蓋伯時與蘇子瞻黃魯直諸賢之所共遊者  
也乃開池爲屋以復書院之舊以廣爲學之處燹理之  
於其民也有古人之道哉來者尙克繼之永久  
明徐千之重修寧宮碑記古者自天子之國至於鄉皆  
有學崇術立教其法詳於國先具於鄉尤必擇鄉大夫  
之賢者爲之師蓋文武人材之盛始於鄉而後發名成  
業於天下故學宮不可一日荒也宋明來莫不祀至聖  
以廟設博士官以課士亦猶行古制也癸巳春余謬秉  
舒鐸舒爲文翁之鄉其學規模宏麗然亦再修而再圯  
云晨謁廟見櫺星諸門欹斜殿上西隅樹生幾拱字下  
洞然窺天啟聖祠湫隘委諸草莽泮橋頽而淤怒然思  
重新之時邑令劍峰張君以五十金倡惜以細故止余  
益怒然謀於紳士勾會計庸經始於十月鳩工庀材折  
腐棟椽瓦悉去級甃補悅勁望丹艘堂宇一新乙未冬  
正攝星門向易柱高三丈撤圍牆再砌買石濬前甬道  
架三虹如初丁酉春修啟聖祠易土牆以瓦殿前甬道  
鋪以石橫門列以亭手栽松栢鬱鬱森森矣廣儀門舊  
制而重建則在歲之己亥經橫約增三四尺許體勢崇  
闕與前後稱肥令嚴公王君署舒捐俸二十金伙助合

計通邑所輸不下八百餘金拮据初就庚子夏秀水蔣  
君來尹舒更募修葺兩廡塔石上下未畢工者次第告  
竣新鑄祭器春秋釋菜子弟駿奔輝煌俎豆嘻八載經  
營予不過奔走司出納已耳勸事者前有何力之有顧余  
君今則石樵童君暨邑中諸紳士也余何力之有顧余  
於茲役竊有感焉初易大殿也凡三閱月設風雨飄搖  
祿瓦何能覆乃一朝落成而暮降雪琢樞星石柱於山隈  
冬水涸弗通一夕驟雨洪濤載石而至儀門非大木不  
勝任而山水忽衝激數年未出之木以作棟梁選豈人  
力哉聖人之靈也吁昔舒魏科鼎盛宮保相望今少寥  
寥者未必非學宮傾圯之故剝極而復天啟其祥觀廟  
貌崇隆士氣宜奮加以賢宰之鼓勵何患振興無地耶  
余雖拙學顧諸子時共切劇處則績學砥行藏著述于  
名山出則內如張仲外如方叔文武之道兼取於學庶  
不愧為文翁之鄉人子弟詎爭區區科名已哉故學宮  
不可一日荒也後之官于此者首肯予言乎故記之  
明薛應旂新建尊經閣記夫經者以經世也聖人作經  
以經世而世之人或尊焉或否焉夫是以道有汗隆世  
有升降而全才至治不獲常見於天下豈聖人繼往開  
來範圍曲成於此尚有遺慮耶凡以天下之人不能遵尚  
經術者之過也是故建學造士必制閣以尊經而淑世  
作人之機儼乎有在然而學而學者猶率多玩焉而弗之省

也則可缺而弗舉湮爲曠典檢稽觀法漫然無從乎維  
此舒城爲廬屬邑襟帶江淮掩映潛皖茲勝區也其學  
宮諸制悉備唯尊經之閣久稽建立古燕高君節以御  
史出守廬之明年政成人和于是舒之諸生以閣請因  
相地度材計工畫費達督學御史豫章胡公植允其議  
經始於嘉靖戊申十月至冬十二月遂告成事且謂當  
勒石以記公乃命廬學訓導曹昂涉大江而東問于薛  
子薛子曰斯督學公之教也提調官之政也諸博士之  
責也二子之業也旂不敏何能爲言哉雖然竊嘗有  
聞焉仲尼曰入其國其教可知矣其爲人也潔靜精微  
而不雜疏通知遠而不誣溫柔敦厚而不愚恭儉莊敬  
而不煩廣博易良而不奢屬辭比事而不亂是深於易  
書詩禮樂春秋之教者也夫其所謂經者豈若後儒之  
皓首窮經呻吟佔畢訓詁辭章云爾哉是必有精旨存  
焉引而不發欲學者深造而自得也乃今閣以尊經天  
下學校之所同也尊經於閣亦天下學者之所同也然  
知所以尊經而得旨者或寡矣何也天下之理一也在  
天則謂之命在人則謂之性性之主宰則謂之心發動  
則謂之情逆用則謂之才至其別倫分類因義著名則  
又繁然殊稱有不可以一二指數者然合而言之其統  
一也皆命於天而具於吾人之心者也自物欲之蔽塞  
斯理晦冥聖人憂之於是著之話言書之簡冊以訓天

下以詔後世而六經於是乎作矣是豈聖人之初意哉  
聖人者忘言其上也不得已而有言其言之也非有他也一吾  
聖人之理也特託經以爲之記籍耳學者反躬自得不求  
心之經而求經於心涵養而勿忘奉持而勿失則虛靈  
之於萬善貞一變化以尊吾心之會通以尊吾心之禮融  
書諷詠以尊吾心之詩會通以尊吾心之春秋而一身之  
吾心之樂劑量以尊吾心之理矣苟爲不然而徒疑議于  
天下之萬事萬物可從而理矣苟爲不然而徒疑議于  
畫之奇拙文之古今體之經緯度之統數音之上下例  
之常變追述石渠虎觀之詞論崇文集賢之編緝如彼  
漢宋故事是則其所尊者古人之糟粕也其不爲輪人  
與叛經侮經者有間而均之爲褻經者也胡公振鐸南  
之笑者幾希矣惡在其爲尊經也哉胡公振鐸南輔倡  
明本原之學以興起斯文爲已任而賢有司又克贊成  
之吾邦二三子鼓舞樂育必將徑趨高峻矣余乃猶有  
言者蓋謂公之意以爲二三子勛也他日舒之士人有  
得於傳心之學以爲世名儒爲時鉅卿則今日之舉不  
將永有賴乎愛記之以俟  
明泰民悅科貢題名碑記士之可以傳遠者金石而已  
若虞尊周鼎鼎洗敦釘之識岐陽之鼓岱嶧會稽之刻  
皆制昨之見於古者然也漢魏而降碑刻盛行當時英



君賢士所以紀功德昭世系咸藉諸此我國家稽古右  
文崇重科目取士必本於五經而與進士之選者必命  
所司立石題名於太學是以天下學校皆據而有之此  
吾舒庠科貢題名碑所由起也碑豎其間列銜頗舛  
今縣尹張君寶能作新士類學諭倪君域等能慎修師  
道謀併其貢碑重鑄之將欲取信於來世以予爲舒人  
宏跋諸陰予惟賢才之生鍾山川之秀氣荷列聖之教  
養爲治道之所關其不輕而重也較然矣今得以登名  
是刻豈徒侈其名之榮耶觀者必將羣聚而指視之品  
議之則賢否淑慝忠貞邪佞固可以爲勸爲戒如燭照  
鑑別有不可得而掩者矣不亦凜然可畏哉又非金石  
之存亡足恃也予猥以謏劣在公論所弗錄後之君子  
方進而未艾幸敬勗之勿忽

名宦祠在大成門東

鄉賢祠在大成門西

忠義祠節孝祠在明倫堂西

祭器見縣志

書目見縣志

龍眠書院宋李公麟讀書處明德書院明舉人祝有年建今

俱廢正學書院知府張瀚建在縣署之東

元揭傒斯龍眠書院記治民之道使民知禮義而已使  
民知禮義先示其所尚而已民知所尚則知所向方哉  
廬州舒城縣長樊理溥化用湖廣舉首取泰定丁卯四年  
進士第得茲邑督理學政成用其學以教導民始益  
知人之所以為貴儒之所以為重而復知所以養生而  
送死居二年曰民其可教矣乎於是又治地邑東得李  
公伯時龍眠山莊故基於東鄆寺舒王祠西營沒於寺  
者據山川之會想昔賢之道處乃會其祿入禁工度功  
作書院以事先聖先師以為出治立教之本不踰時而  
成凡殿堂門廡齋舍庖庫及李公之祠為屋三十有六  
楹以其面龍眠之山端嚴奇峻能出雲雨膏澤天下  
之曰龍眠書院且示不忘李公之故而邑賢者范鳳瑞  
割田二百畝以供祭養既告成於廟遂立之師進諸生  
而教之凡民有來觀者必勸之以學是時上旣撥亂集  
大命兵革未息飢疫未復郡縣長吏能以荒政自任且  
不足知禮義之教哉而舒城則分財出粟之家惟恐

後民之強暴于弟一有弗若則父兄長老切責誥怒惟  
恐見絕於長吏於此見民得其所以生長者也舒著於春  
秋故山有春秋之山水有舒水始入於吳後併於楚其  
民勇而好義非獨舒為然楚之地皆然故楚常為強國  
最後宋室南遷賴其民蔽遮江淮幾二百年然當時學  
校之教鬱而不施仁義之政厄而不行養生者不得盡  
其歡喪死者不得究其禮此非土之過長吏之責也今  
吾君既昇兩以賢長吏一以詩書禮義覺兩民之禮亦知  
所尚乎若曰升其堂陳其器設其牲齊而行之典禮如  
是而巳此若曰升其堂陳其器設其牲齊而行之典禮如  
其助哉李公名公麟邑人博學好古舉進士歷刪定及  
檢法官未老致仕蘇文忠黃文節二公嘗過其山莊故  
合祀於堂之北是役也建始於天歷三年歲冬十月朔記  
至願縣學之明倫堂亦其所建也去歲冬十月朔記  
明秦民悅建龍眠書院記舒城南去八十里有山蟠亘  
名曰龍眠宋儒李伯時先生居於此因以自號先生元  
祐間第進士迄今一百六十有七年為宏治丙辰主簿  
何君雍時授官於舒予首以書院久廢為言君本閩之  
衣冠望族雅重斯文欣然以爲己任詢於故老其地復  
為禪寺所併乃按揭文胥令寺僧盡退於官南北計十  
六丈有奇東西半之復捐俸資市材陶瓦一毫不動於  
民經營開大尹薊門張君賓通至亦急急以興學為首

務者遂相與謀度建立前後庭各四楹左右廡房各三楹門房一座扁以舊名緣以周垣樸素闕敞巋然古跡之復存閭井之人聚而觀之好賢之心油然而生況章甫縫掖之士乎肆惟祖宗創業垂統建學育才在在有之若無踐於書院也然非靜無以成學古有是言近年以來篤志厭囂者私議有曾講之例當夫景明物熙之時師友相率遊藝於茲心胥灑然一塵不到講明性命道德之懿致君澤民之術所得不亦多乎史稱伯時先生博學好古襟度超軼名士交譽之惜乎爲畫所掩如趙松雪蓋非後世之士所得而盡知之也今得何君興復表暴之又斯文之一顯哉吾黨之士修之於家用之於國此固列聖養士之盛心亦士之自待當如是也幸其勗之是役經始於己未年之十月落成於辛酉年之七月二尹滌陽劉君敏以記請予因次第其事付之刻石使後之人有所考焉

學田詳縣志

社學二所一縣西一桃城鎮俱廢

崇文書院知縣王朝瑤建在縣治東今廢

文昌書院舊址在城東南隅觀音菴後爲義學督課之所知  
縣蔣鶴鳴有記乾隆三十八年知縣劉作垣移建龍山書  
院西偏

龍山書院在城西南隅大街後乾隆三十八年知縣劉作垣  
勸捐創建

### 廬江縣

縣學舊在城南門內創建無考元至正辛卯縣尹兀顏綱擴  
而新之明洪武初知縣傅鉉遷於三思橋北舊縣基卽今  
處洪熙中黃惠宣德中馬驥天順中王慶成化中梅江劉  
紳宏治中胡暘正德中劉夢熊嘉靖中周良會劉裁萬歷  
中軒尙朱天啓中楊墀崇禎中教諭胡從政次第修整復

建書院於學東明末盡毀

國朝順治四年知縣周廷祚以霽祭不忍與舉人畢翼周諸生徐愈壯構廳事三間以背聖廟康熙六年知縣孟述乾訓導盛損之集邑人改建并復樞星門康熙二十四年教諭王琳徵訓導丁象臨建儒學門生員李錦林建兩廡嗣王琳徵重修明倫堂知縣王仁深重建戟門教諭金佐移建啓聖祠知縣何洪先重修大成殿雍正二年教諭張廷琛復倡修明倫堂竝建禮門義路後教諭李蒸修儒學門知縣陳慶門修樞星泮宮門邑人盧辰告建尊經閣邑人許望齡重建名宦祠邑人王昌任等重修泮池乾隆二十七年知縣李天植倡捐重修創建樞星門石坊乾隆五十

九年知縣史統順倡集紳士捐貲修葺

元羅永登儒學重建文廟記古者學校之教自灑掃以至於明理修身孝弟而極於窮神知化其習之有其具立之有其本進之有其序論之有其要人才由此而出天下恃此而治夫豈徒然哉自漢唐而下莫不興學但其爲教不能如古此治道所以駁而不純也且學必有廟以尊孔子尊孔子所以尊其道尊其道所以重其教則民之觀感而興起焉者厥有在矣矧報德報功明祀之舉莫此爲隆焉其可忽諸廬江廟學之設舊矣學規宏遠比於大府而廟之界陋非尊崇之道也更縣政不知其幾人漫弗之省至正辛巳元顏公蒞政之明日謁廟大懼召學官紳士諭之曰講有堂便私習也制反踰廟廟所以安神靈而有弗稱可乎慨然以作新爲己責邑人周元傑聞之曰侯以善率我民敢不惟令之趨上白於公請舉私藏以新廟制公義而許之卽爲經始儒士吳剛中而下或陶瓦或塗壁或繪飾躍趨響應如一列左右廡之從祀者悉繪之櫺星嚴正仞牆高美舉以法度是役始於至正初元而竣則三年之三月也先是廟固卑陋儀文亦苟公自新廟於春秋朔望命士類皆磨服從事趨踰興俯冠裳儼翼民吏歆動文雅之風行

焉報本復始其知所重也哉公事母孝其爲政也務寬  
厚不事苛細民心信服所謂去後見思公有焉繼公政  
者真定張公輔臣也又能善所未逮以助成宗廟之美  
教諭王岱展力效職且曰是不可無文以紀其實乃以  
進士吳之體狀請遂爲之記  
明朱鏞修文廟櫺星門記自太祖統一宇內立人極敷  
文教遠追伏羲堯舜禹湯文武之制而道統之傳獨歸  
於正於是首崇孔子之道凡在郡國皆建學學皆有廟  
天下通祀之人文之教昭宣流布百餘年於茲治隆俗  
美才俊輩出皆知佩仁服義貴王賤霸尊君父崇三綱  
叙九疇皇極之化於斯爲盛維廬州府介在江表輔京  
邑所隸州縣八而廬江居其南其民質實而謹厚其才  
具而能久有爲其風土明茂歲入之儲恆升於他所漸  
文教之秀可與爲善而難與言不善號稱易治邑儒學  
聚民之秀朝經暮史弦歌之聲不少輟士有成績學有  
成法而教有成規典章文物燦然備舉任其責者率而  
循之耳及成化庚寅嘉禾梅江以進士來知縣事首謁  
先聖廟見櫺星門接題就寢且非厥制欲修正之適監  
察御史蕭公瑒提督南畿學校以躬行爲教務崇正學  
修禮度俾學者由於斯道求稱皇上所以隆化育才之  
盛意江起賢科能知所務擇節美餘募匠石爲櫺星門  
以復禮制之正易之以石圖其久永旣訖事謂宜有言



來請於鑄鑄承乏郡寄將九載於政於教無有所裨益  
大懼無以自解而江之孜孜於學知所先務顧不可尙  
也哉是役也經始成化壬辰之冬而以今年癸巳九月  
丙午畢工民不知勞官不知廢俾爲政者皆知盡其所  
當爲而不自私卽易所謂利物足以和義書所謂庶事  
康哉者矣是宜特書以垂示無疆以彰國家崇儒教化  
育才致治之效有如此云  
明錢習禮重修儒學記蓋江縣儒學在縣治東歲久將  
傾圯弗支知縣馬君視象之初首謁先聖周覽興歎慨  
然以修復爲已任謀諸典史蔣君以及校官與邑人士  
之重義者議以克協於是度村俊石探日鳩工仆者起  
之朽者易之丹漆之剝蝕者績飾之禮毀戟門次兩廡  
會講之堂肄業之齋觀德之圃迨饌堂師生舍宇庫廩  
庖餼莫不具舉采桷峻整簷楹顯敞髹彤藻繪皆以法  
式繕以周垣映以清池煥然一新士民來觀莫不駭  
凡監使之臨徘徊殿廡悉皆稱獎乃因蔣君歲滿來朝  
求言以紀興復之由予惟列聖右文興治自國都以達  
州邑海隅障塞四方萬里之遠莫不建學立師絃誦之  
聲所至相聞聖天子嗣位之初大新學政下明詔遣重  
臣周履祁國專董振之用德意益甚盛也馬君欽奉休命  
求成德達材爲國之用德意益甚盛也馬君欽奉休命  
以建學爲首務可謂知本矣是邑良士游於學者可不

朝求暮講古先帝王修齊治平之道會於心體諸身他  
日起而簡任使足以爲公卿大夫與百執事儒者之效  
自於當時斯無負邑大夫興學之意有以見國家作人  
之盛尚其勗哉修學經始於宣德庚戌訖工於正統丁  
巳夏馬君名驥山東安邱人將君名汶浙江山陰人  
孫宏詰重建啓聖祠記祀典啓聖祠有配饗有從祀其  
制始於百年以前仁之至義之盡而孝之純也廬廟學  
既圯兩廡蕩然在前古瓦斷烟中啓聖祠繚垣雖存沒於  
與草者不知其幾何歲詰月朔十五每過撫膺於是捐  
微祿構三楹於故所神牀壇位悉準會典之制以妥其  
靈蓋先賢先師先儒之主雖同風雨之飄搖必不忍於  
其所尊所親之露立而受茲芬也先師先賢先儒之心  
安而吾屬之積愆或可稍道於降神之際乎願治十年  
癸巳之吉工既成同事者署教諭錢君吳瞻司訓于君  
鏡人屬某鐫石壁間踰年始爲之記  
又儒學東齋記廬之廟學未興而廣文先生皆僦舍以  
居其陋陋不勝述明倫堂東之齋其一也白沙于子鏡  
人執錢君吳瞻所構而未竟者縮衣食以爲齋有堂  
有門有室有甍有庑有庑有庑有庑有庑有庑有庑有  
東西銘於斯講近思錄於斯插陶令之菊庾郎之韭邵  
子之梅於斯所謂一畝之宮耳署其扉曰此中天地更  
大其間晝夜常通斯之所得可知矣于子不惟躬尋孔

顏之樂而又以貽諸後人是不可以不記余不佞嘗與  
于子往復論難又以錢君誦述之詳也乃併志其工作  
歲時一以明聖學之不墜一以冀廬泮之待興云耳時  
爲乙未仲秋月

名宦祠

鄉賢祠

忠義祠

節孝祠

祭器詳縣志

書目見縣志

崇文書院在學東明末燬於寇

蓮溪書院在城南久廢

毛公書院漢毛義讀書處在縣東北

楊林書院邑紳朱紱所築在白湖東

水濂書院在南門外今久廢

潛川書院詳縣志

學田詳縣志

社學舊廢順治十一年知縣孫宏詰復建於縣治西

無爲州

州學宋皇祐中建於錦繡溪北崇寧中徙漕臺之東隅後遷西隅政和間復遷錦繡溪賜御書大成之殿四大字元季兵燹惟殿獨存至正間學博全璧樹兩廡明洪武初知州王奉訓新之其後宣德中王仕錫天順中熊恕成化中楊上傑劉紹元宏治中辛文淵嘉靖中同知許用中隆慶中

知州洪邦光萬歷中同知查志文知州趙範陳嘉賓相繼  
恢拓視昔有加崇禎中知州李春華重修

國朝順治九年知州佟國禎康熙三年知州李祐之學正曹  
鼎臣捐修鼎臣以彤家言改天香亭建樓名天香閣二十  
年知州王國輔學正史逸孫訓導何嗣和同心倡募厥工  
未竟三十三年知州張國禎修尊經閣三十六年知州李  
璋重修泮池石橋四十六年知州胡良佐編加修葺乾隆  
元年學正謝陞訓導金玉式募修大成殿十三年江防同  
知王又樸倡捐鼎修五十七年知州蘇椿倡修未竟五十  
九年知州顧浩勸輸重修

明陳連重修儒學記永樂甲辰冬建昌南城王君仕錫  
由國子生來爲無爲州太守既視篆克推所學以施諸

政介然自守卓然有爲德教旁敷廢隆興舉而尤注意  
學校因觀郡學禮殿及兩廡戟門歲久將傾墜明倫堂  
與東西齋舍湫隘弗稱乃捐俸以倡寅案及士民好義  
者鳩工度材先修禮殿次及兩廡戟門越三載始克成  
明倫堂則經始於宣德癸丑秋落成於是冬東西齋肇  
工於正統元年丙辰冬說工於二年夏君視斯役諸人  
咸欣然出資力來助故不以屬吏煩民同知石首王圯  
鄆江陳善判官延平李勝孝感丁健吏目長打吳瑗協  
恭和衷事以克集既完且美偉然壯觀士庶驚歎以爲  
昔所未見儒學司訓徐欽平等具修學始末來請曰郡  
學諸所久敝非太守莫克爲之今殿堂兩廡齋舍皆奐  
然一新足以崇明祀庇師徒爲之今殿堂兩廡齋舍皆  
易傳守之靡常紀今勸後非金石莫可而未有辭以刻  
政固請余重其意之誠義不容默洪惟聖朝混一海宇  
詔天下郡邑建學立師教育賢才以資任用列聖繼統  
御極尤重焉然勉勵宣明者則太守之職且學校以明  
人倫爲本非但談性命摛詞章應科舉而已當求古人  
所謂明倫者爲何事羣居肄業篤守力行於家爲孝子  
於鄉爲善人於國爲忠臣斯無負朝廷建學意亦司教  
化者所望於諸生也於戲事未始不可爲也使昔之爲  
郡者能秉此心斯學不至摧陋如此今君一倡而人翕  
然悉心展力竟底於成苟非平昔善政及民信孚於人

焉能致是哉抑君非獨學校爲然恒慮旱澇無常民艱  
於食創置利民倉三所積穀餘四萬石遇歲歉賴以存  
活者甚衆至若勸農桑均賦役禁侵漁警游惰凡可以  
利民生厚風俗者靡不力爲之在任將盈三考惠澤加  
於民聲名昭於時蓋無忝於古之所謂良郡守矣因徐  
思訓等之請故特記此俾居學校者知所勉以無忘君  
之德庶方來者亦知所勸云正統二年夏六月嘉議大  
夫禮部左侍郎羊城陳璉記  
天徐薨稽古閣記皇帝踐祚十五年內修外攘文致武  
克瀛海清寧嚴廊靖暇詔以二月五日臨幸太學命國  
子祭酒講論文義錫以身章自學官至弟子員疏恩錫  
帛各有差於是遠近布韋之士莫不舞手相慶生光吐  
氣以謂斯文之遇千載一時蓋無間智愚賢不肖始曉  
然上意所鄉矣先是無爲軍學以皇祐二年始建於郡  
治之西錦繡池之北以崇寧二年頒行舍法乃徙於今  
舊址大成有暇從祀有廡膳羞有堂東西有序於其堂  
之後創建稽古閣以嚴宸章奎畫之奉中西有值建炎紹興  
間兵火學雖幸不燬而閣無復存矣淳熙初堯被命掌  
教此邦會敷文張公士元領使計臺視事之始祇謁聖  
師顧瞻太息曰淮吾車必式里也耶可使子衿之道熄  
而戎馬氣盛哉且賜書之奉無所則尊主之意或闕吾

爲使者其忍安之迺增闢舊址爲閣五間庀工於淳熙  
二年之三月而落成於五月公又以舊堂舁陋不克解  
是就更新之爲堂五間閣之後又爲屋三間重簷複檻  
跋翼翬飛黝堊丹青神彩奪目於是無爲軍學甲於兩  
淮公天資超軼趨事靜敏曾未半歲諸宇皆成凡緒錢  
計度悉自於已一黍一銖舉不以累客諸生德公之賜  
求文以紀嘗謂人主爲治之切務有三曰學校也求直  
諱以指陳天下事又必自教養中出繇是而言三者之  
務雖均而學校爲尤切焉自今天子恢宏大化首善上京  
使所在部使者人人而能如公遵體聖意率先郡國養  
君子如香草護正氣如司命將見異材輩出應上所須  
而天下之事有不足爲者矣然則盡書之以示來者淳  
熙四年三月望日記  
明鄭闢重修大成殿記無爲州儒學大成殿按稽古閣  
記先是無爲軍學不書其地宋仁宗皇祐初始建於此  
前臨紫芝山之秀錦緇水之情勝槩豁如也徽宗崇寧  
二年頒行合法律徒學宮於清臺政和四年復還舊址既  
復闢於朝陽御書大成殿自脊抵基高五尺南北深四  
改作殿廡此其是也殿自脊抵基高五尺南北深四  
丈五尺東西闊有八筵重簷四周水三百四十滴棖題  
楹梁數不可知輪奐之美視淮右諸殿罕儔南渡建炎



紹興開幾廢矣孝宗淳熙六年乃一新之紀於重修學  
碑自是更兩朝十世至元仁宗延祐四年亦略補葺  
甚司學政者又大修之碑記尙存泰定元年所興者壞  
筒瓦刻泰定字蓋可知已元末兵興州治灰燼獨殿僅  
存國朝洪武初聿修文教乃構講堂兩序以集生徒崇  
祀有廟教養有齋倚與盛哉永樂甲辰冬去前修日遠  
梁棟俱朽欲壓欲傾閣時承乏調掌學校視殿之壞無  
能爲者通南城王公仕錫來知州事公下車謁廟輒興  
咨嗟乃謂閣曰吾二人者職司政教由聖人之道可不  
崇其廟祀乎柰公蒞政未幾洪熙秋又治裝入覲未暇  
及之明年宣德紀元乃命閻爲疏文以鳩衆助官資俸  
給民貲貨財又明年得穀千石餘貨反半由是合抱之  
木勦聖丹漆竝積俱收而金工木工陶者圻者各進巧  
力自梁棟以下留堅去腐無或苟略三閱月竣事獨西  
廡未完今年春公繼修前績同僚諸公皆樂爲贊襄而  
殿廡門牆逮秋俱就貌像飾如始新尊爵俎豆一新關  
故衣冠景仰儒道有輝旣落成衆謂斯殿之新關乎氣  
運非偶然也可弗志乎公乃命爲文記之開惟天下之  
物盛衰興廢固有定運而天亦或相之熙自重和至今  
三百四十餘載壞而新者三焉甲子五周而有餘兵火  
兩遭而不燬非天相斯文以昭聖人在天之靈而何於  
戲夫道高天下者當受天下之奉澤流萬世者當享萬

世之祭聖人德侔天地道貫古今廟祀得不與天地悠久乎雖然相之者因天而為之者實人也是記之作固不與炫耀於時特以物之新者未有不舊盛者未必不衰百祀之後或風雨飄搖尚冀後人之視今猶今人之視昔繼繼承承俾聖人之廟貌垂萬齡而不沒是則公之心而衆之志也故勒之石云

名宦祠在戟門東

鄉賢祠在戟門西

忠義祠在學門外左首

節孝祠在文廟西首

明吳廷翰名宦鄉賢祠議正德丁丑年八月名宦鄉賢二祠成郡守劄南吳侯以三國滿須督朱公桓宋通判呂公夷簡知軍楚公建中王公蓮雙公漸陳公瓏米公芾趙公汝談國朝唐公元樂公贊鄒公以信王公仕錫同知陳公善學政陳公道曾唐忠義袁公傑宋狀元焦公昭員外郎楊公傑侍郎賈公易樞密使王公之道蔡知政事王公蘭孝子方公某季公元禮國朝永義侯桑公世傑工部尚書薛公祥侍讀學士刑公寬二十五人

并祀焉從諸生吳廷翰之請也或問之曰名宦祀禮乎  
曰古天子諸侯祭因國之賢在其地而無主後者宦有德  
於土祀之禮也何先聖廟宗主之賢不廡列者何也祀  
廟乎曰於名宦鄉賢賓主之義也何以有名宦鄉賢何以  
祀也何以死勤事也二十五年人也桓曰聖王之制祭祀  
民也死勤事也二十五年人也桓曰聖王之制祭祀法施於  
十五人也死勤事也二十五年人也桓曰聖王之制祭祀法  
扞患也死勤事也二十五年人也桓曰聖王之制祭祀法  
忠義人也死勤事也二十五年人也桓曰聖王之制祭祀法  
運使戊銀樹嶺應祀之也有戰功曰宋史不錄無考闕  
之可也雙公漸當鄉賢之也曰博學能文不錄無考闕  
至有惠政若古稱朱公類矣米公風韻蕭遠者與曰蝗  
飛入境不傷禾稼亦然唐公元樂公瓚鄒公以信王公  
以守禦其祀之志也亦然唐公元樂公瓚鄒公以信王公  
仕錫取於一統志乎曰然國書猶可信也陳公學正何祀  
公矣奚爲而復陳公曰魯不見國書也陳公學正何祀  
也曰通五經規矩整肅重學校示教木也袁公勅祀而  
復乎曰學校鄉人各一其祀也城隍祀於廟復祀於山  
川厲其義一也焦公一第無聞者與曰焦亦天下  
人也賈公易王公蘭名臣邪曰賈程學王朱學也絕諸  
賢矣何以祀相山也曰相山未易得也況剛柔活人

與朱公類者邪然則如位序何曰父子之義軒車東西  
同可也其不得如顏於曲阜曾於萊蕪思於泗水者何  
也曰不有同於王者之制也季氏之孝何不逮祀也  
曰立之後有庭春不應選食矣我聖祖元禮立與庭  
祀立則庭安重亦此意與其不得如王氏父子何也  
華黎而罷安重亦此意與其不得如王氏父子何也  
王之子顯於父以子而惟父亦祀可也方孝子何始祀  
父祖以父祖而樂子孫專祀亦可也方孝子何始祀  
曰方季之孝同而舊誤遺也吳敬孝子何始祀  
之過不可以為訓也然則如薛公新附有見與曰集義保  
與百世之法取不類同也薛公新附有見與曰集義保  
境如袁公條陳時政如王公直諫桑公者何也曰學校之  
猶弗祀乎郭彥仁朱文不竝列桑公者何也曰學校之  
祀不專戰功也邢公狀元也曷書官曰焦未官而卒邢  
不與焦同也況典試纂修與經筵講讀功在翰林非狀  
元之可盡與袁公而稱唐忠義與曰爵也爵宋而人唐  
何序邪曰宋封昭義嘉應王唐袁傑斯不恃矣名宦以  
爵公大臣非諸公所可先也時也通判先知軍非爵也曰  
呂公軒車分也或曰子議則明矣其行永乎曰禮質諸  
而屈軒車分也或曰子議則明矣其行永乎曰禮質諸  
經事據諸史未見其能明也後有秉禮之上其屈矣曰  
禮在天下義在人心名宦鄉賢有知當允于言越明年

廬州府志卷十一  
侯取此議命廷翰紀之

祭器見州志

書目見州志

芝山書院舊址在紫芝山宋時建明萬歷間詔鬻海內書院  
地此山與焉掌州事府同知查志文虞屬民佃傷地脈  
捐俸贖隸本學又以學宮湫隘將官地抵易民地以拓  
堂基

興文書院

元王彬興文書院祠記公廬江舒人也名字則未聞或  
曰名薰字仲翁漢景帝末爲蜀郡守仁愛好教化蜀地  
僻陋有難和風人不知學公選郡中小吏開敏有材者  
親自飭勵造詣京師受業博士業成以爲有職又起學  
宮於成都市中招下縣子弟以教之教之有成以補郡  
縣吏其在學者亦皆獎勵禮貌之人見以爲榮爭欲爲

學故蜀工皆雋於文行知世分所固有爲臣知忠爲子  
知孝爲夫婦長幼朋友亦知有別有序有信焉繇是文  
風大振此特興學教民一事耳其他善政有不暇枚舉  
噫公在蜀日吏民愛如父母敬如神明公歿蜀人思之  
愈久愈不能忘至爲立祠設像歲時禮祭不絕其德化  
感入爲何如公值秦滅經後教化陵遲漢初興挾書律  
雖除禮樂未遑獨能建學立師俾治教休明至武帝時  
令天下郡國皆立學宮後世設教官奉禮先聖先師實  
權與於斯其有功聖門又何如祭法曰祀於後世固有  
之書曰以功作元祀若公之法與功見祀於後世固不  
不得辭者欽惟皇元混一區宇式遵祀典凡前賢德業  
有關世教者許令從祀焉至順間同知無爲事李羅帖  
木兒欽承上意以公事蹟達諸郡府請祀不果至正間  
淮西進士余公廷心爲御史復上其事達諸朝廷見允  
立院設官其院曰興文可謂知所本矣於戲自漢迄今  
千有餘歲不知歷幾代幾朝而褒崇功德竟無一人畱  
意於斯豈時有未遑運有未逮歟抑將或氣數默定有  
待於今日歟則見我朝肇舉盛禮又出於前王之右也  
至正五年僕會試春官不利於有用一切之務素無所儲  
奈茲院創設基址素無定所工用一切之務素無所儲  
爲之者斯亦難矣時京師韓侯可久知是州以興舉學  
校爲己任與監郡同知節判暨州院師士協心營度鳩

工掄材肯堂肯構爲堂四楹規制宏敞前門兩楹巍然  
屹立修廣與崇各若千尺崇階峻陛以磨髮周闔垣  
牆覆以鮮瓦既完且美煥然一新誠可瞻仰然非但爲  
觀美將以妥靈肅祀而已自是春秋朔望致嚴盡誠陳  
簋簠薦儀牲鐘鼓鏗鏘禮容陟降執事有恪也卽工於  
至正八年春正月越明秋七月績成凡工傭所費釋奠  
所需與夫師生廩膳之給一皆出州學帑州之有院自  
此始吁侯退食之暇必躬督是役始終弗怠其用心勤  
矣講堂齋舍準是經營適瓜期垂代未及一一理也繼  
守是郡者克踵前績未備者復舉未完者復修則學舍  
增崇有加今日矣經始年夏憲使王公繼志鞠囚諸郡  
獄之暇篆文化堂三字扁堂之額冬憲使李君公平  
行部按治肅政之餘撥廬江三公鄉民間私占州學水  
田六十畝以爲院學永業實皆作成而已後爲使司者  
能紹二公之心則文永興旧復加多矣雖然官之與學  
誠知爲政之先務士之爲學可不知所當務哉苟官爲  
建學立宮而士不務興文之道則遊居是院者將何爲  
哉今名院不惟曰文而曰興文其意蓋有在也夫興者  
不墜振起之謂文者道之顯著之謂是文也堯以是傳  
之舜舜以是傳之禹禹以是傳之湯文武周公孔子孟  
軻者故曰文王既沒文不在茲乎蓋謂文王沒其文在  
孔子孔子沒其文在孟軻軻之死興是文者獨不在文

翁乎此名院之意在乎茲也文之爲道大矣哉無極不  
有無時不然在天爲日月星辰在地爲山川草木在人  
爲仁義禮智小則動息起居大則裁成輔相凡禮樂刑  
政紀綱法度燦然煥然者無非文也人文與天地參爲  
三才亦與天地相爲長久是故時有古今文無古今運  
有盛衰文無盛衰俗有澆淳文無澆淳淳文不徒文其經  
天緯地之文非錫民爵位與勤學好問等文可比也書  
謂敬敷五教孟子謂皆所以明人倫同一揆也吁俾爲  
師者以是而教爲弟子以是而學庶不負聖朝興文之  
意有司勉勵之心則文教興行可邁蜀郡亞鄒魯矣  
歟盛哉是工也凡與斯役暨一時儒士贊襄其事者亦  
皆不沒其名焉

明吳國寶學田記  
歲隆慶壬申閩鴻臺趙公以名進士  
來守浦須粵三載弊剝盡剔吏畏民懷社倉樹矣學校  
興矣學門開矣古禮復郡乘修矣百廢具舉樹績孔和  
既而謀諸領官曰吾祀廟而見登豆簋簋之弗飾焉  
鼎爵劍之弗具焉吾耻之吾蒞學而見門堂棟楹之摧  
圯焉齋庫廊廡之頽朽焉吾耻之吾接士而見有貧窶  
空乏婚不能娶生不能養死不能葬者焉吾耻之于是  
取民之沒而入官名公田者凡二所一在南鄉五圖口  
甲下七十七畝一在周興鄉二圖十甲下九十五畝通  
計之則百七十畝有奇請下撫按額爲學田且爲之約



曰自今伊始凡有歉于前三數事爲吾有司耻者成取  
給於茲田歲入之穀仍鑄諸石碑以垂永久維時師儒  
若學正王君元卿訓導王君和周君祖濂王君家聘諸  
生劉子崔沈子輔等思以記公之績乃相率而屬記於  
余余喟然歎曰於懿哉茲舉也于飾器見禮祀之禮焉  
于葺學見豫事之敬焉于周士見振窮之惠焉一田置  
而數善脩矣吾郡守自明興來以賢稱者不乏未聞有  
置田於學者置田於學則自公始然公所以望師儒之  
意則有大于此者夫士之於學猶農之於田也農於田  
而弗耕耕而弗耨耨而弗底於穫是惰農也士於學而  
弗講講而弗習習而弗底於成是惰士也農而惰焉失  
其農矣士而惰焉尙得爲士乎哉記曰修禮以耕之陳  
義以種之講學以耨之本仁以聚之播樂以安之此治  
心之法也詩曰無田甫田維莠騶騶孟子曰人病舍其  
田而耘人之田此務博之弊也孔子曰言寡尤行寡悔  
祿在其中矣此爲己之效也師以是教弟子以是學是  
謂無惰無惰則吾心之田弗曠弗曠則所知高明所行  
光大高明光大則裁成輔相彌綸參贊皆從此出士而  
至此可謂成矣以是較農之穫奚啻什百千萬然則  
公之所以望師儒者詎不大與於時師儒僉唯唯曰是  
足識公績之以爲記  
矣遂書之以爲記

社學十三所在城五鄉八

巢縣

縣學舊在縣治右宋紹興知縣江珩建趙登善繼之次第振興元末兵燬明洪武初桂廷用重建成化教諭陳瑞訓導桂璉請建尊經閣知府李崙成之嘉靖間遷學于慈氏寺萬歷中巡撫吳桂芳過巢以舊址勝新捐金倡州縣協助復還故處府同知孫化龍知縣陶九韶馬如麟鄉得魯教諭徐宏泰王舜章前後增葺明季大半傾毀

國朝順治丁酉教諭魏侯聘銳意修舉伐木告神明倫堂賴以不墜康熙己酉以後重修者知縣于覺世訓導車之垣乾隆四十七年知縣史必大教諭李景堂訓導葉時鳴以

紳士議詳請改建于尊經閣之址据臥牛山之陽面大秀  
山規制宏壯歷知縣徐日簪莫宗蔭左輔許肇封魏象彩  
相繼董率陸續修造

宋焦抑巢縣學記朝廷崇先聖育人才郡國皆有學今  
所至咸盛獨養士之源起於縣帥者荒蕪弗治當誰執  
其咎耶南巢居道之衝控湖之襟行者雲集居者鱗比  
一壯邑也抑以紹熙癸丑到官謁廟之初僅有堂殿詢  
訪本末有告余曰是學始建於前任江公珪迫於受代  
餘則委於後人因循怠弛以迄於今予應之曰廢興在  
時賢否在人適時之興遇人之賢事無不濟迨至甲寅  
邑大夫趙公來臨顧瞻興歎欲繼成之值歲游飢縣帑  
空虛未易舉於是行寬政節浮費權其事之先後隨其  
積之厚薄而施設焉民力艱食流離盈道公設粥以待  
飢者繕衣以其事傳檄九州所活不知其幾萬人橋南  
有隄延袤五里一雨則民病涉公以粟募民運石以繫  
所利不知其幾百世雨雪祁寒念民無以爲事育也則  
周之歲時享祀念民無以供粢盛也則周之民之生公  
之賜也語曰既富矣又何加焉曰教之乃悉意於學校  
之事而建學之役於是興焉明年建齋舍八間又明年

立戟門起兩廡以繪崇祀牆墻階砌爲之一新聖殿講  
堂復加塗墍以至器皿牀榻之屬莫不纖悉畢具凡此  
支費一皆取辦於掇節之餘毫髮不以擾民也先是職  
事生員無肄業之地而絃誦寂然公乃盡號召問里之  
習文藝者混試於學棘墻鎖戶彌封謄錄悉如秋試之  
法凡與選者必在學以奉職朔旦升講則有講書之職  
日用出入則有司計之職供課以程鳴鼓以序置門計  
以限出入而無子衿之刺非在學不得破供而無素餐  
之飢數載飲食又悉如侯泮之法自絃歌之聲不聞而  
薄書期會日不暇給十室之邑有畱心學校如趙公者  
亦難其人矣學職一日謂予曰是學始於江公而成於  
趙公其有功於名教甚厚不可以無傳請予誌其事昔  
僖公修泮宮而史克有詩子產不毀鄉校而昌黎有頌  
今既受其事悉其顛末雖欲不書得乎書之之意非私  
於二公也實有望於來世也書不云乎若作室家既勤  
垣墉惟其塗墍茨若作梓材既勤樸斲惟其塗丹蔭不  
然視今爲何如趙令尹名登善字從之慶元三年九月  
九日記

明潘鑑重修儒學記自古有天下國家之責者未始不  
以興學育才爲首務粵自三代以下至國茲雖其間隆污  
分合衰盛之不同大抵存乎其人而理亂因之也嬴秦  
破壞先王遺制亦以法令爲師而鄉舉里選之法廢自

時厥後卒不能復嗚呼是豈古今異宜而竟不可行也耶我聖祖以戊申開國明年詔天下立學其規制大較有文廟有明倫堂有廡有齋門有列戟有櫺星亭有神廚有庫省牲有所棲士有館公廩有藏自國都以及郡縣無不然者巢爲畿輔內地舊亦嘗有學中間廢與惟厥侯哲愚洪武初建於桂侯廷用永樂間修於王侯寧成化中教諭陳君瑞訓導桂君璉請闢學宮之後之淫祠爲尊經閣宏治末謝侯俊更新之正德初南海何侯文邦始創射圃於閣之左而規制略脩矣今侯來宰茲邑維時正德癸酉祇謁之初願瞻廟貌弗稱乃節縮浮費隨宜肇畫而相以俸資遴選義民之才且慎者董其役於是乎植其圯者培其薄者易其朽者新其故者壯麗其漫漶剝落者不匝歲端嚴深規渠渠翼翼稱其爲學宮矣又相地之形勢廣狹而更張之創企德堂於戟門之左會饌堂於尊經閣之右名宦鄉賢竝祠於大成殿之東西義路禮門標表於明倫堂之左右凡此皆古人所無他如新神廚新儒林門新射圃又極觀美殊往往昔至是則凡規制所得爲而缺典於前者煥然大備矣是役也經始於正德甲戌冬暮落成於乙亥仲冬學博林君文焯輩具事之顛末遣生員劉敬先胡傳乞記於序也者所以淑人心化風俗之地也程子曰古之仕者

爲人今之仕者爲已嗚呼今天下之人收其能不以刀  
筆笥篋爲先務者幾何情者假勞民之辭陳折懷崩而  
冒莫之或顧黠者往往緣是以便其私圖尙忍言哉尙  
忍言哉若茲役之成民不告勞財不稱費致隆於觀德  
報本之地而默運夫養賢正俗之機雖古良吏亦不多  
讓夫豈直知所先務而已二三子游息於斯蓋相與砥  
礪奮發以聖賢自期希顏亦顏希舜亦舜他日出而用  
世自吾心之所得者而推之沛乎有餘地矣賢侯今日  
之所望於二三子者寧不在於茲乎侯  
名景陽字仲升河南信陽人其他善政悉可書紀其大  
者餘則略

明葉逢春舉縣重建儒學記古者鄉黨皆制塾序羣子  
弟於中而教之故子夏云君子學以致其道獨學而無  
友謂之寡陋君子居學而道致而後之解者昧其旨則不通  
而事成君子居學而道致而後之解者昧其旨則不通  
於古人尊師取友之義矣明興倣古教學之意每郡邑  
皆置學拔其子弟之才者置其中每學置博士數員以  
教之月有課李有試歲有校故人人向學持孔孟之論  
爲依歸母敢爲異說其有語不本於經術者皆勿與登  
進以故二百餘年人材追古爲國家實用而致斯昇平  
非偶也舉爲監治邑故學北在邑治右正德中遷慈氏  
寺嘉靖間會撫臺吳公行部至縣謁學宮訝甲科之寥

落凝睇者久之謂故所廢學址勝於遷所卽命輸公帑五百金令復其故已請於各院咸報可助以官錢共若干維時李令世隆始其事後陳令經言踵成之始於萬歷三年秋九月以萬歷五年冬十月竣前爲先師廟後爲明倫堂又後爲啓聖祠祠左右爲鄉賢名宦祠前爲敬一亭廟左右爲兩廡前爲戟門爲泮池又前爲櫺星門外爲畫屏爲雲路街明倫堂左爲造道齋稍後爲教諭衙右爲進德齋稍後爲訓導衙視舊址移前數十武先是學宮肇建獨尊經閣尙缺陳君復捐官資及申請公帑而成之乃率諸博士弟子員請記於不佞不佞無他持說爲多士益試以該學之遷復教諭之聞之學士先生云佛老之害甚於楊墨夫故學之址本善也已而遷於慈氏寺是所謂迷儒歸之佛也今茲反其故所斯得孔氏之宗旨六經之要歸羅迷途曲徑者殆引而致之大道覺獨矣余向所稱引學以致道也夫笠之勿售學而爲枯枿詎霖雨將至不若笠之爲愈矣今聖天子力黜元虛敦尚儒實舍其中庸而逃之禪空以重違明時之旨似不若反而求之故所學苦爲愈也爾多士其尙述本旨勿爲空談務當諸君遷學之意以祇承聖天子作人之雅哉

明陳階尊經閣記巢縣學背之高邱舊爲五顯廟所據廟之棟宇雄偉壯麗俯瞰黌宮凡邑之所禱伏遊者率

山講堂徑入妖巫邪覲不逞之徒淫媒喧囂紅鼓之聲  
自旦達暮大爲絃誦之病成化丙申蒲陽陳君瑞與學  
政心欲毀力未任歲戊戌吾慈桂君璉來貳教卽毅然  
曰嗚呼曾謂夫子之宮而可以妖淫涸之乎閭邪翼正  
吾徒分內事斥之奚容緩耶與陳君協謀明年上其事  
於府業得請令李進者膠於巫史禍福之說固執爲不  
可陳桂二君義形於色躬率諸生詣其象卽顏其楹曰  
尊經閣移御書經史於其中而扁鑰之李令憤且搆他  
事以加害桂亦條其不法數事與相持巡撫都憲張公  
瓚下其事於郡委府倅解敏以勘解與令同里開佐彼  
以抑此而桂愈不屈乃大肆酷暴以凌之隨斃于杖下  
其子聞諸朝李以憂死解亦抵于法而廟之土宇終歸  
於學於是學宮尊經有閣諸生棲息有址絃誦洋洋大  
非昔比羣弟子思慕不忘徵余記之余惟尊經以重道  
也閭邪以衛道也以重道之心爲衛道之計郡邑大夫  
正當鼓舞誘掖之不暇顧乃倒戈以相攻曾不知其所  
遊非聖門所讀者非孔氏書乎朱子有言不能攻討而  
又倡爲不必攻討之說抑獨何心哉桂君所學所蘊吾  
徒平昔所畏者不得一有所施而竟爲奸邪所害惜哉  
雖然桂君死而閭獨存然則此閣其桂君之甘棠乎見  
閭猶見桂君也矧閭以載經經以載道諸生登斯閣者  
講焉習焉辨焉思焉究是道於心體是道於身蘊之爲



德行指之爲事業使是道之載於經是經之載於閣皆在我而無餘此尊經之實也此二師立閣之盛心而桂君之死猶不死若徒以是閣爲觀視之美以是經爲誦說之具而不能體諸身尊經云乎哉傳曰尊者恭敬奉持之意學者勗諸

今上

葛遇朝重修儒學記

龍飛之十有四年秋通府劉公來署縣事下車見學宮燕沛堂廡傾圯與學博魏君謀撤而新之魏君遂捐俸爲士民倡因周咨邑薦紳暨闔學弟子員出財鳩工以次年之孟夏始其事閱四月乃竣厥功勒石以紀徵文於余余惟先王治世之法學校居其大端此有司教之任者所貴飭其名以勵其實也夫造士俊士之典與三年九序之周官蓋詳哉言之陵遲以至於其季而求所謂百里一士千里一賢猶寥寥不少概見何也意亦人貌榮名治徒文具沿陋就簡而不一鄭重其事遂無復舉膠庠於彬彬之隆乎嗚呼其所以由來者漸矣居巢山水甲江以南土宿肄菁莪之雅質有其文獨兵興以來澤宮鞠爲茂草雖師儒鳧藻人文豹變而歲時釋菜蹢躅俎豆之前春秋鼓篋徒倚皋比之側前乎此者游談聚議重折枝而輕築舍誠不乏人大都因循末流直臯壤置之乃今則宮庭翼翼邑人士咸懽欣道悅攜持以至以得學其中爲樂矣夫耳山隘而志氣驟翰奐新

則野瞻肅此魏君所以與邑人士煥然更始也豈常名  
焉已乎雖然君既不以名求之士何可不以實應之如  
使居於其地徒曰學耳將不絃誦飲射之圖而且爲謀  
利計功之事不裁修游息之務而祇爲弱心減質之資  
是且庸肆乎仁義之途而禮園書園猶之遠廬也吾恐  
虛聲白望不免漢處士之誚而卽起而在位且來衰周  
茅鷄之歌矣彼君師所以命之教與夫吾之所以整躬  
施物者果何有也而又豈諸君子之心哉予願諸君子  
居業樂羣觀夫梁棟在上筍簴在懸若親聆金石絲竹  
之聲陶淑於其間行見篤實輝光而日新其德周士雖  
多猶不足矜有道之門況兩漢以下乎如是則處爲眞  
儒出爲名世論者當無所求於士且以頌今日締造之  
功爲不朽也詎不盛與

名宦祠在明倫堂之南

鄉賢祠在明倫堂之南

忠義祠

節孝祠在儒學西齋

文昌神舊無特祠卽祀於尊經閣天順閒設像紫微觀萬歷知縣馬如麟建祠學西康熙知縣聶芳改於牛山之巔二丁仍就學西舊祠致祭

魁樓在櫺星門左崇禎庚午教諭王夔章建亦以二丁日祭土地祠舊在學西文昌祠後今移于左

祭器見縣志

書目見縣志

東山書院在東山下久廢其在察院東者特上官往來駐節之所而已

巢湖書院在牛山舊爲義學雍正十二年知縣朱謐建乾隆八年知縣華湘涂寧先俱重修院中置田爲延師課士之

資至今士人賴之

學田詳見縣志

社學十九所在城七在鄉十二知縣王鑑周思充馬如麟林  
宗哲先後增設

廬州府志卷十八

賜進士出身廬州府知府溫陵張祥雲主修  
壇廟志

祀典之設列代不同我

朝因明制增修盡善社稷山川先農壇之外有城隍神唐  
以來設祀已久或以人鬼加之不可爲典要嘉慶五年  
特

勅祀文昌神比於

關帝今依

令甲舉行之其良有司遺愛在民所謂以勞定國有功德  
於民則祀之也鄉先生之足爲坊表者至今尸而祝之

則亦合於歿而祭於社之義至

聖廟之祀垂教萬世應別爲學校志云

### 府治合肥

社稷壇在府城西門外北向中爲壇兩旁爲廚庫北爲齋所  
歲春秋仲月上戊日祭用羊一豕一開銷祭銀三兩歲孟  
夏行大雩禮冬至日在社稷壇祭山川風雲雷雨等神開  
銷祭銀一兩六錢

社稷壇制東西二丈五尺南北二丈五尺高三丈四尺  
階三級壇下東西南各五丈北十二丈或九丈五尺繚  
以周垣石主高二尺五寸方一尺埋於壇內正中止露  
其頂神牌二以木爲之府書府社之神府稷之神州縣

亦各如之祭時設香案於壇南置社主於東稷主於西山川壇制如社稷其下東西北各五丈南十二丈或九丈五尺神牌三不設石主

風雲雷雨山川壇在南薰門外每歲春秋仲月土巳日以城隍神合祭開銷祭銀三兩

先農壇在郡東威武門外五里堡雍正四年

勅建每歲清明後亥日致祭行躬耕禮並於壇旁立耜田四畝九分歲收租十二石五斗除備祭品開銷租稻三石九斗餘租變解藩庫

郡厲壇在郡北拱辰門外歲以清明七月十五及十月朔日府中預發牒文請城隍神主祭三祭開銷祭銀四兩五錢

鄉厲壇

今祀典無

鳳州府志卷二

明隆慶志洪武八年定制每里立無祀鬼神壇一所命耆老歲以春秋仲月祭用羊豕各一祝文云凡我境內人民倘有忤逆不孝不敬六親者有奸盜詐僞不畏公法者有拗曲作直欺壓良善者有躲避差徭靠損貧戶者似此頑惡奸邪不良之徒神必報於城隍發露其事使遭官府刑憲若事未必發露必遭陰譴如有孝順父母和睦親族畏懼官府遵守禮法不作非爲良善正直之人神必達之城隍陰加護佑使其家道安和農事順序父母妻子保守鄉里云云今多廢

里社壇

今祀典無



明隆慶志洪武八年定制每里立社一所命耆老歲以春秋仲月用羊豕酒果致祭於五土五穀之神祭畢就行會飲先令一人讀抑強扶弱之誓其辭曰凡我同里之人各遵守禮法毋恃力凌弱違者共制之或貧無所贍周給其家三年不立不使與會其婚姻喪葬有乏者隨力相助如不從獄及犯奸盜詐僞一切非爲之人并不許入會讀畢長幼以次就坐盡歡而退鄉里諸壇各屬竝同今多廢闕帝廟在和平橋東元至正三年建各官朔望行香歲春秋仲月及五月十三日致祭用太牢一羊一豕一共開銷祭銀四十七兩八錢三分九釐竝祀帝三代曾祖光昭公祖裕昌公父成忠公供廟內後殿祭日先祭

明楊循吉重修關王廟碑記有侯於昔而王於後者其  
由壽亭進號義勇武安其姓關氏蜀漢故將軍也以其  
忠烈之故沒後受命上帝列爲明神神之得祀者有矣  
或以恆典制於司土之吏惟王則自國都達天下莫不  
有廟而大江以北尤盛由江之北王之降靈惟廬州府  
廟爲之最意者是邦寬平舒遠沃野千里王時乘風雲  
而來下固其所樂遊耶今太守西充馬公金初未第時  
感神於汴途既至廬若昔所夢緯章之年得奉朝命主  
司神人顧視廟宇門牆廡闕禮亭濕下洞窗不施欬傾  
呵翳非敬恭道既而步自庭除得故碑知王有輔國殄  
寇之功還詢衆庶知民有朝夕必禱之急興作甫議會  
境遭大荒乃罷其七年爲宏治乙丑郡始獲稔爰理初  
志盡取前所謂不足者作之公首以俸倡民皆樂輸於  
是侵壤來復新大門戶臨設而闔閭具朽腐去而丹肯  
煥備宇加翼隆汚中宜始事之明年天子紀元正德夏  
四月功成率僚屬以牲醴告祠下父老具石請書以志  
或曰書神之忠則有廟在解禦災扞患則廬未嘗及然  
則宜何居有縉紳先生曰鬼神惟能錫嘏故民從之不  
然其無解祀乎故是役也公以之報民以之祈祈報不  
失然後福祿交至而上下同慶請以是書之公曰然僕  
時方寓廬忝命執筆乃以其事碑之廟中而別詳夢感  
於陰系以銘曰緊昔帝肖欲振炎綱桓桓亭侯王室是

襄威偕華夏激烈慨慷雖有名將亦莫敢方元精不倫  
廟焉若在帝以爲英俾職攘害掀髯風馳霄漢罔罔山  
元達明王封顯載馬侯在昔舍平汴圻夕與神邁金甲  
而威先告不爽果亞羣魁既守廬江廟實在境無德弗  
報受役井井新廟孔嚴作自馬侯侯之貴徵神政道周  
匪驗今茲享達甫悠何以知然惟政之由侯則有政神  
相其幽永庇廬民垂祀千秋

文昌宮在郡鎮淮樓西嘉慶六年奉文仿照關帝一例致祭  
府城隍廟在府治東北宋皇祐三年建知府揭稽朱鏞先後  
重修康熙十二年府縣官率士民斂財新之各官朔望行  
香祈禱俱集於此

元余闕郡城隍廟記合肥之城江淮之巖邑也其神祠  
在淝水南浮圖祖杜至元中由明教臺寺來奉祠傳其  
子惠淵孫宗楷始作僧舍祠傍櫺之子可龍益募人錢  
爲殿堂門廡繼又得祠後廢軍廨及夏氏所施地建別  
殿於其上龍嘗以役請於皇孫宣讓王助之有司與郡  
人亦皆來助龍以克効勞苦至希鍾之事皆自親之或

不足則稱貸以從事如此者凡十有餘年而後克成而  
城之廢久矣元受天命萬國悉臣山徽海域咸奉貢職  
舉千餘年分裂之天下而一之故海內之城皆圯不治  
而淮南者尤負固而後降者也故城之廢為甚特其神  
祠為民祀禱而存古之報祀雖坊庸之微皆索而祭之  
城隍者保民之大具其功視坊庸甚遠矣其祀豈可以  
不嚴祀之嚴則先王保民之政尚亦有能議者乎龍之  
為視其徒可謂近民者矣郡人白玉張世傑事神素謹  
乃伐碑飾闕請為之銘其辭曰阻江阮淮大邦維廬保  
城於肥萬人以居天作潛阜以殿其旅神精攸屬靈保  
攸御赫赫厥燭卓卓厥序綺寮珠樹呀如鰲呿雕房玉  
除下有美葉冠裳珩珞神容穆如邦之大夫童旄婦女  
歲時來晉其容栢栢燔蕭擊鼓丞衍於下粵神蒞予以  
及斯所一者之季廬受其弊臨衝大樞亦莫我既誰其  
為之伊神之貽楚人有戶如杆之縷煥寒風雨歲以民  
裕云誰之佑神之賁汝我相而驅昔為金湯山川回翔  
神其不忘修捍而域神有舊勞時享其逸式居以教天  
子息民燕及百神神作民主天子萬壽  
明黃得功城隍廟碑記嘗思陰陽之理幽明之義誠世  
運興衰國祚隆替實式憑之故立社與立廟並重鬼神  
與法度並嚴為神道設教之初意乎是以公私邪正是  
非得失關國家大治大亂之源傳曰鬼神之為德其盛

矣乎又曰民爲貴社稷次之又聞季梁之言曰民神之主也聖王必先成民而後致力於神故奉牲以告之曰謂民力之舊存也奉盛以告曰謂其上下皆有嘉德而無違心也故務其三時修其五教親其九族以致其禮祀於是乎民和而神降之福故明之不足而幽足以惕之陽之不足而陰足以警之是以有公無私有是無非有正無邪而人心世道亦有得而無失有治而無亂余奉命來鎮廬郡遍觀郊原雖繫寇氛之慘亦人事之得失有以致之則見城垣積穢謝宇舍邱墟人民逃散官司失守是以土者廢業而農者失耕商者罷市而工者輟技荒煙腐草之下煨燼瓦礫之場幾不知有人民安知有社稷幾不知有法度又安知有鬼神所以人心若狂世道不古趨邪趨亂而遠是滅公天乎人耶焉能起鬼神而問之予因是觸於目傷於神慘於心而亟謀所以振起一世之人人心猥傷一時之聲蹟而竝以景仰萬世之觀瞻者非入廟思敬無繇也爰捐已貲爰鳩工匠爰新廟貌爰煉人心而數百載不靈之香火一旦告成焉欽差正勇營防勦風酒等處總兵官太子太師後軍都督府左都督加三級黃得功立標下副總兵官范紹祖左慈李應宗子守祖馬成龍張傑黃賢田雄王邦俊旗鼓叅遊王成義何玉官楊彪李可勝張國禎常進功劉有功李

成龍李榮中軍參遊李應魁王定國傅安邦周成福艾成祥許尚龍王賜祚張茂卿劉應志楊進忠項成德把成功李學詩賈大第汪祿劉進管工旗牌劉承忠甲申季春

火神廟在府治東北舊南嶽廟西歲六月二十三日致祭開銷祭銀一兩六錢

劉猛將軍廟在郡威武門外歲正月十三日暨冬至後三戊日致祭開銷祭銀三兩

八蜡神廟康熙志在余公廟橋東嘉靖初知府龍誥建後移他所不吉知縣陳瑄仍還故址初築時掘得鐵蝗石餘仍瘞之歲得稔春秋仲月致祭

馬神廟二一在府治東一在縣署西自驛站歸縣後每逢誕辰縣中致祭開銷祭銀一兩五錢

龍王廟在火神廟西朔望行香

龍王廟凡四洲濟在大蜀廣惠在上山感應在小蜀義濟

在洋

廣惠王廟與地紀勝在合肥縣西二十里按廟碑有云唐正觀間有僧慧滿結庵此山誦經忽有布衣造門曰我東海龍王之少子屬時苦旱僧令其降雨答曰盜布天澤罪當殛死須臾膏澤隨霑三日龍死於山隅僧乃攜以葬而民爲之立祠其後水旱禱之必驗

東嶽廟在東門街元至元元年建每逢三月二十八日行香南嶽廟明隆慶志在府城惠政橋西

旗纛廟康熙志在衛後西北隅馬神廟東其地舊爲馬厰

后土地祇廟康熙志在縣東北宋建廟時掘得鐵錠鐵盤今

廢

司火昭明廟康熙志在城西門內元末兵燬

大王廟在郡時雍門外祀金龍四大王歲春秋仲月致祭開  
銷祭銀一兩五錢

楊將軍廟在水西門城上祀宋少保楊和王沂申每逢六月  
初六日行香嘉慶七年知府張祥雲知縣左輔重修

包公祠地名香花墩在郡南門外明知府宋鑑建祀宋包孝  
肅公拯後燬於兵順治間重修春秋致祭開銷祭銀一兩  
五錢

輿地紀勝孝肅公祠堂在興化寺治平中太守張環作記  
今無考



明黃金包公書院記包孝肅公宋之名臣也其精忠直  
諫以比漢之汲長孺殆又過之視唐魏鄭公出處尤正  
其廉節冠一時趙清獻而下不論也其載諸宋史者炳  
炳與日月爭光其傳與天地相爲悠久卓乎不可尙已  
第公爲處人仕於廬者往往以簿書期會爲心求能表  
章先賢以風後進則寥乎未之有聞監察御史陽城宋  
君克明來守是邦未踰年六事漸舉百廢具興謂公乃  
鄉賢顧可漫不加之意乎郡中有河河之中有洲舊爲  
浮圖氏之教所據太守至是撤而去之因相其地屹材  
陶瓦鳩工事南面建屋五間中坐公之像東西翼以  
夾室植竹木於四圍而環之以牆前建大門其地峻疊  
石爲梯數十級登焉題其額曰包公書院新傑偉麗過  
者爲之改觀擇庠俊張福輩十餘人讀書其中而公二  
十四世孫大章亦與焉太守嘗於祭畢謂諸生曰士學  
立師聖賢若公乃表表焉百世可師者也吾欲汝曹居  
家行已則師公之孝立朝事君則師公之忠庶不負建  
新院之意福輩奉教惟謹間以書來屬言記之嗚呼爲  
政貴識大體不貴務末節嚴先生祠堂范仲淹構之韓  
昌黎潮廟王滌新之以其所關者大也孝肅之風聲足  
以廉貪立懦其有功於名教大矣不此之重而務其他  
可乎太守善教乃及於是自規畫一無所經於民其  
得其大體歟况其所費悉出自規畫一無所經於民其

才之長又有過人者繼自今廬之士氣丕振或以直諫  
顯或以廉節著忠臣孝子之門上紹先賢之芳躅未必  
不由此舉基之是太守亦大有功於名教也皆可書之

明張瀚包考肅公莫文廬郡本宋龍圖學士孝肅包公  
故里城南有讀書臺土人呼爲香花墩莫詳所自公爾  
像告身遺賜在焉瀚始至謁像既訝其大異習聞復厭  
遊觀者會飲歡呼褻狎非禮乃建亭堂前奉公於中令  
不可狎旣又題其臺曰流芳爲文以祭之曰嗚呼天下  
事以意想擬人必失其實以憤激稱名鮮得其理公風  
裁勁節歷世罔不企慕雖愚賤童稚皆知其無異於人  
貌像則備極奇怪今親遺像乃清雋古雅殊無異於人  
人議擬公行輒取廉刻深文發姦摘伏至考其實乃敦  
大體黜慘酷殊無戾乎中和然後知習俗所傳皆曲億  
深索激於時者也宋以忠厚立國其弊也流而爲弱藉  
紳雍容相諛悅公獨持骨鯁務尊主庇民不爲雷同附  
和以坐鎮流俗故天下取立懦廉頑之意獨以嚴厲歸  
之而略其博大流傳既久匠氏務極嚴厲爲狀差溫雅  
卽慮弗肖宜乎奇怪之形嚴猛之政愈傳愈失愈遠愈  
信且堅也公嘗疏戒天下觀察使務存體要無事深求  
焉有以此倡言朝著顧自食其言卽是可以槩公之行  
語云夷齊不念舊惡聖人不先介而亟稱其量懼未覩

其全也則天下未及覩公之全亦久矣余忝刺公郡仰公汗顏敢因蠡測用以爲質英靈不昧尙默歆所蔽以陰惠公里也

明潘恕重修包公書院記  
舜原楊公奉命按治江北制結別壺逆刃而解稍暇則咏名勝懷賢哲廬城東南濠之渚曰香花墩有宋包孝肅先生書院對岸則包氏後裔家焉公旣爲之立家廟俾其世享顧書院年久黝者或漫堅者或圯乃卽其舊而新之書院據墩四面皆水南爲大門顏曰包公書院門左右夾室各一間中門而北可十餘步爲正堂三間肖孝肅遺像顏曰廬陽正氣東西爲廊房各三間鳩工於己亥春三月不逾月而告成棟宇翼如丹青煥如皆公經畫致用未嘗費民一財勞一力也夫孝肅直道事君公經畫久而名彌光故自宋至今禮之者非一人然而情文兼備公私並卹則未有如我舜原公者蓋公尙友之心深有取於直清之節而凡在公陶鎔之下者亦可以觀感而興起矣恕不敏祇率指教聊以志歲月云昔嘉靖己亥秋八月李封重修包公祠碑記有宋侍制包孝肅公祠在廬城之南濠香花墩爲公讀書處其裔世居祠旁朝夕奉公祀守有祀田五十餘畝在祠之左右後浸微不自振屢售他主余莅廬之明年檄縣詢得田主名期還其舊旋

奉委署篆潁州不果時香山交泰鄭君以亳州牧來代  
余甫下車則取其田之在王直聰者十畝餘爲坵者四  
在褚煥者十二畝爲坵者七在婁倫升者十六畝凡大  
小十四坵其價錢以千計者一百九十六銀八十兩直  
聰等義君之舉減四之三焉君所捐銀四十兩錢三十  
千而田悉歸包氏既皆曰孝肅精忠亮節載在宋史氏  
其祀宜不祧茲田之在其子孫富則已貧則人今裔孫  
念會稱不任事公謀始之矣而鄭君適代公克踵厥事  
不可無以圖厥終茲田之爲包氏有俾其永永世享於  
公乎是賴余曰是則誠然孝肅廬產也與廬人共守之  
其可今之廣益局其司事者皆廬之良而篤於義足以  
鎮服其鄉人此一事也使田掌於局租入於包視如公  
田然其無虞皆曰善於是繕其畝坵租數於冊畀之司  
局張子先岸郭子川李子永熙魯子芝更相主理以爲  
公祀以利其後之人自今始乾隆三十八年歲次癸巳

孫士寬謁包孝肅公祠詩巢湖浩淼汎千頃蜀山嵯峨  
盡孤影扶輿靈淑鍾偉人造躅千秋標骨鯁奕奕簪紳  
舊望宏曾閔庸行至性成由來忠孝無二理立朝慷慨  
董英聲清心直道風所矢汰弊釐奸甦赤子使節曾傳  
移故鄉肯教戚鄰撓綱紀洛陽上郡多橫豪幾畧法制  
同并髦驄馬如逢桓御史塵汚邯鄲復揚纖毫叅天松柏

千尋山改柯易葉非其質烏府高凝獬廌冠龍圖直理  
春秋筆讜議紛綸奏九關關節誰能一到門掣電轟雷  
威辟易公惟正氣還乾坤有宋越今數百載劫灰幾度  
飛滄海直陽城南廟祀長古心古貌仍好在寒雲發發  
覆女牆清風謖謖動迴塘撫衣拜罷誌梗槩俛仰今昔  
增彷彿棟宇經營觸先志彈指葛然成往事塗炭丹雘  
竟如何望眼茫茫生遠思

余公祠在郡德勝門外祀元余忠宣公闕

東門外又有余公廟明宏治十八年

知府馬金奏請建立

元賈伯良余忠宣公死節記有元設科取士中外文武  
著功社稷之臣歷歷可紀至正辛卯兵起淮潁城邑盡  
廢江淮之間能捍禦大郡全盡名節者守舒郡余公廷  
心一人而已公家世淮西自擢高科登要職以浙東僉  
憲來鎮舒郡始至舒時國門之外數十里之地皆盜柵  
也公身率壯士累戰而勝盜遂退乃為攘剔傍近之地  
令民耕之築城壘修矛戟募勇士以圖克復癸巳國朝  
命太師右丞相脫脫征討江漢使至舒公即奉命率兵  
卒出境戰潰羣寇遂平權陽盜柵惟時湖廣陳友諒據  
上流趙雙刀據池陽公常具戰艦數百艘借羅江西往

來皆爲二寇邀遮然與戰無不克捷或誘至城下而設  
奇俘獲九多盜爲股慄駭歎舒屬六邑皆爲盜所據民  
有逃移至郡乏絕糧饋公捐祿米二百石以賑卹民乃  
安凡盜至民爲力戰時予自閩海還舒謁公於館下公  
延予門塾俾教授子弟翌日侍公於城之南樓語及國  
家顧語予曰余荷國恩以進士及第歷省憲居館閣每  
媿無補報今國家多難授余以兵戎重寄豈余所堪然  
古人有言爲子死孝爲臣死忠萬一不幸吾知盡吾忠  
而已丁酉冬十月上流陳寇至郡城圍及兩月公累出  
奇兵以戰陳寇死者甚衆盜思不能獨勝乃會趙襲刀  
水寇上下來攻戰艦萬艘擊鼓震動礮石鏗鉤公益勵  
將士民亦無懼色十一月趙寇急攻城南門陳寇攻東  
門戰數十合陳寇見兵勢復盛遂皆退十二月趙寇復  
攻城東公誓將士曰今城守孤危汝等當爲國宣力有  
功當以吾爵授汝不然則戮以徇將士受命亦皆以死  
自効血戰至暮兵稍不利公被矢傷及左目神思昏惑  
將士遂衛公還至闕比甦而驚愕謂左右曰全忠報國  
吾分內事耳使吾死得其地吾瞑目無憾汝奚以我歸  
耶於是將士復衛公出戊戌春正月盜整兵大合舳舻  
延亘旌幟燄燄公率將士及城居之民戰於城西門力  
戰至午城遂陷公北向仰天歎曰吾守孤城七年今兵  
疲力竭不能滅寇雪恨願以死報國乃拔劒自刎墮壕

西清水塘而死陳氏以金購求得之具棺柳衣衾葬於  
城外公之夫人蔣氏聞公仗節即率女安安竟赴井死  
長子名得臣時年十八能熟記諸經書勸曰吾父死於  
忠我何以生乃溺死於後園之深池甥名福童善戰有  
勇力亦戰死於城壕之閒姪壻李為義兵萬戶自城  
外馳單騎回其家人勸之降李怒曰吾受元帥節劍平  
日甘苦元帥與我共之元帥已死吾降異日何以見元  
帥於地下耶曰汝等亦當隨吾盡忠毋為人所魚肉乃  
盡驅之一室無大小咸殛殺之然後坐取巨觥飲拔刀  
自刎而死賊眾入見斷其首而去其餘將士若萬戶紀  
守忠金勝宗鎮撫陳彬千戶那海經歷段玉等俱不肯  
降咸戰死於鋒鏑之下噫自古忠烈短祿者惟唐巡遠  
宋文天祥而已若吾余公廷心鍾光岳之靈氣有文武  
全才方氣渾之盛鬪敵大猷煥然可述當多難之秋戰  
守之功鮮有健者及夫援絕城陷竟能秉節不屈視死  
如歸尤人所不及先民有言疾風知勁草板蕩識忠臣  
其此之謂與然公之忠節固職之所當為而公之夫人  
若子若女一門之節義又世之所無者予素居公之節  
下見公之政蹟不及枚舉而公之大節敢不紀之以傳  
於後故為之記仍贊曰於赫元運篤生名臣識綜今古  
學究天人并此大邦戒備整飭允文允武克著厥蹟古  
有巡遠公實邁之猗歟忠節敢揚頌詩

明李東陽余忠宣公祠堂記正德改元之歲知廬州府  
馬金言元故淮南左丞余闕當至正之亂分守安慶誓  
死血戰爲江淮保障及陳友諒趙普勝諸軍合攻陷其  
城乃引刀自刎死并其妻妾子女將佐士卒無一辱於  
賊者其事甚偉當其時已贈行省平章事幽國公諡忠  
宣國朝洪武初始詔廟祀於死所闕雖出蒙古而所居  
合肥青陽山故宅亦舊有祠久不治竊惟漢紀信生於  
西克死於滎澤唐許遠生於新地並祀若閔之精忠大烈  
於廬陵死於柴市而今皆兩地並祀若閔之精忠大烈  
可方文許較諸紀氏蓋百倍過之而鍾靈毓秀之地不  
得爲郡縣所祀子弟所仰其爲典亦甚缺請修葺舊祠  
秩諸常祀復其世守之比於安慶以昭一代之盛詔口  
可於是重修殿寢堂室暨凡物所有事者令縣正官以  
歲春秋再致祭焉於戲網常之道根乎天性具於人心  
無時與地而或閒故居不必中國世不必正統忠臣義  
士往往有之漢唐宋之死節者代有其人而宋李尤甚  
說者以爲忠厚養士之報罔也元之忠節出於科目以  
大魁死者四人其他崇名應仕者後先相望忠宣以一  
郡之弱二千人之寡抗東南數萬之衆戰至於七十之  
多歲至於六七之久而竟不失其正以死又能使一門  
五節闕郡之士從而死者千餘人較功論烈尤大且著  
者也我明祖高皇帝綏猷惇典著爲律令以表古今之



忠義至其所驅逐所戡定者亦不以君廢其臣而表章之此可見綱常之道雖出於天而自立教以治世者固聖人事也又以見忠義之激於中者苟自盡於所事皆可謂不失其正者也抑聞高皇於腐敏裸將之士雖包荒含垢而實有宋太宗范質之憾充類至盡無異於武王封比干釋伯夷之義矣而况爲其主而死於亂賊之手者寧不表之以爲天下教哉然則忠宣之重表於今日者亦豈非賚謀示法之大端也哉族祖希遠先生與忠宣同舉進士分左右榻而唱名謝恩皆同班序雅相厚世所傳青陽集者先生實序之而以不得效死爲忠宣魏東陽仰規聖祖之仁復有感於先世之誼因表其事且以風天下之爲人臣者若忠宣之族里行績則見本朝所著元史及潛溪宋學士傳爲詳博雅君子尙有考焉

周公祠在明教寺東祀明府丞局忠愍公璽

明葉逢春周天章祠記葉叔仁曰余讀廬陽志死忠節者自漢周平孫而下迄於我明曹瑞卿屈指蓋三十一人瑞卿跡其行事空列之剛直其二十八人皆以亂略之頃激大義抱忠憤而爲敵所殲者至以直言而斃則惟我朝周天章李崇德兩公焉豈時當草昧則人心易激忠義感慨之士多而居常往往養位留祿絀默守株

之士歟乎不然何死敵者餘什九而以直諫斃者不什  
一耶兩公者以忤武宗斃於杖下崇德語在他傳中若  
天章則以忤逆瑾故肥之兒童婦女無不噴噴蓋公被  
拷掠身無完膚矣猶弗少屈曰吾死不足惜令忠義畏  
悞可惜耳斯言也豈古人所稱君子人與蘇明允云使  
吾獲知人之明而天下受不可一朝居之禍不忍也充  
天章之意使其成殺身之仁而杜天下敢言之口不忍  
也爲宗社生靈計而非爲一身後區區之名詎不賢哉  
公祠碑記尙缺公之孫弟子員於德因蓬萊浦君以請  
蓋浦君以六安貳署肥事也余按天章與瑾黨楊王勘  
事弗阿弗徇瑾惡之遂罹此慘假令天章少假之詞色  
縱不得其驩心亦可免禍而天章不以彼易此里有富  
翁羣僂蓋日至摩踵以承之其後至者則摩其摩者之  
踵一僂獨愕然而進長揖與之坐語羣僂皆規而驚走  
天章者其不摩踵之流與天章卽死而國家忠義之氣  
邪是以持扶而不墜其功豈小袖哉浦君爲此請者浦  
之先君以忤世廟被杖尋卒於獄夫世廟之聖明不世  
出者於天章有抑鬱未伸遠焉淪沒之旨如此而於浦  
公又如彼豈日月之明或蔽寸雲雷霆之威偶摧直木  
者乎君其有所感夫有所悲夫

瞿公祠在落水橋西祀明都督瞿公能

蔡公祠在十字街祀明尙寶卿蔡公悉

宋公祠在郡威武門外祀明宋忠烈公瑄忠順公瑛

蔚公祠在落水橋西祀明禮部尙書蔚公綬

孫公祠祀明衛輝知府孫公鎮

乾隆三十六年准禮部咨設立奉祀生宋包孝肅拯元余  
忠宣闕明周忠愍璽瞿都督能廬江縣漢孝子毛義俱立  
祀生一名其蔡宋蔚孫諸祠舊有祀生俱裁汰

屠公祠

康熙志舊察院前爲明知府屠仲律立兵燹後每春秋露  
祭設於斷碑之旁

杜璫太守屠公祠堂記初嘉靖己未屠公以監察御史  
奉命守廬州越二載辛酉春二月以疾卒廬之民士無

遠邇無不驚但至於泣下者時王侯爲合肥尹謂民士  
之思匪建祠崇祀曷以慰之矧公政教深且厚義當血  
食茲土持其讓謀於前郡邑博士今遷任金君柱議相  
協於是人告於今郡伯喻公及郡之貳諸公咸以爲可  
於是列牘請於撫按督學凡奉敕監司諸公咸可其請  
乃合肥民士爭輸七十餘金及無爲六安盧巢舒英霍  
之有司又共捐俸百二十餘金邑侯彈心營措集所在  
之爲殿四楹有公像其中爲燕室亦如之齋有寢牀之  
東西翼室各四楹又後爲燕室亦如之齋有寢牀之  
蒔松藝竹有苑有隙棹以周垣徑以修術發以瓠瓢塗  
以至丹雘然偉觀廓然遂敞且拓西鄰之室募民居之  
歲入其租以供春秋祀事之費經始于辛酉秋七月迄  
功千冬十二月邑侯謂非記無以啟遐詔來也因介郡  
邑諸生戴冕張炤席相徐標輩屬子爲記予不佞爲公  
之民於茲役惡敢後哉竊聞之民之病最大有三曰冗  
費曰負賦曰誦時費冗矣其或裁之賦負矣其或貸之  
時誦矣其或賑之病孰加焉繇公來廬躬視庶務慨然  
以康濟爲己任奉身節儉厭紈綺素袍敝屣處之泊如  
賓客饗饋恆慮過侈時倭寇獷梗瓜儀戒警鄰壤號多  
事憲臣開府軍餉支調勢皆責之於民每檄至公酌量  
哀糴十償一二大率謂額年飢饉民多流殍則無所出

當道崇重公事遂多寢適景府之國供費爲亟閭閻  
怖公首下令曰無輟爾業無假爾財無奪爾力惟我屬  
指麾底定他郡駭孰獨廬晏然若無事茲非裁費之冗  
乎庚申歲大禋合肥六安爲甚部使未下罰租之令民  
方救死不贍常稅實艱公周悉經畫重墨驚之罰益以  
無礙得若干金代民輸之父子妻孥賴公相保者眾茲  
非貸賦之負乎慮民之困凡倉庾貯積幾千萬平價通  
羅與民便之復以所入金命富民貿易他境得穀如初  
官罔告費民咸以蘇境內有禁公至弛其禁聽民樵採且  
一歸之官民不得取有禁公至弛其禁聽民樵採且  
多方拯濟易危以安興學育才銳意風教諸生貧乏待  
公畢昏舉喪者數十人茲非賑時之誦乎此三大病云  
者滌濯搜剔千里仰資其他異政善教競美循良視此  
不啻千伯之什一爾於戲樂只君子民之父母公爲邑  
長則撫字瘡痍室家胥慶爲御史則鋤過彊禦魑魅以  
屏濯濯赫赫所在著聲而竟以民事勞瘁濫焉不祿不  
重爲公惜乎公名仲律字宗豫浙江嘉興人舉甲辰進  
士邑侯名有仁字廷化江西泰和人舉己未進士云

本公祠在和平橋西祀司理李公哲

以上諸祠俱春秋致祭開銷祭銀一兩五錢

土地祠開銷祭銀一兩六錢

獄神祠祀漢蕭何曹叅開銷祭銀一兩六錢

潛山廟

明隆慶志在府城隍廟後

炳靈公廟

明隆慶志在南鄉元泰定二年建

五顯廟

明隆慶志俗稱三坊廟

伏羲廟

明隆慶志在府城東山亦以伏羲名

女媧廟

輿地紀勝女媧廟在梁縣東三十里邵拱有詩云八卦初成結繩代補天當日更功深

明隆慶志在府東梁縣鄉

申將軍廟

輿地紀勝申將軍廟在梁縣洽南二里舊志云

按此宋志楚白

公作亂楚王以申明爲將軍伐之白公懼執明父諱明退師明以旣受君命當移孝爲忠追敗之白公怒殺其父楚王欲賞明明曰我雖有定國之功而有害父之恥遂自刎人爲立廟

天后宮在縣橋東閩人公建嘉慶七年重修

白馬廟

輿地紀勝白馬廟卽漢九江王英布也在梁縣

聖姥廟

輿地紀勝聖姥廟在城左廂明教臺上加封誥詞云受命  
富姥爲吾川后平居則安流而濟舟楫遇難則揚波而杜  
寇戎

巢湖聖妃廟

明隆慶志在姥山廟晉時勅建

中廟

明隆慶志在巢湖北岸地名鳳凰臺元大德初建中廟正

德年重修層樓屹立爲郡巨觀

元于欽迎神歌廣開兮龍宮御仙姥兮下雞籠神靈雨  
兮先以風雲浩浩兮漸以東揚朱幢兮建翠旗騶青蚪



今從文嶠鏘鸞音兮下來若有人兮開羅幃羅幃淡兮  
春風儼仙靈兮在中集千艘兮鳴鼓疏節歌兮緩舞奠  
桂酒兮藉蘭肴折芳馨兮遺遠渚神忻忻兮既安留澤  
斯民兮受其淑送神歌駕雲龍兮倚衡捲珠簾兮暮  
雲平西江兮極浦數峯兮青青青兮未極君不少留  
兮起予太息吹參差兮水湄送仙姥兮西歸蛾眉颯兮  
秋霜淡白雲兮莫知所之自今兮世世俾來者兮願無  
違

# 馬忠肅公祠堂

輿地紀勝馬忠肅公祠堂在包公祠之西

宋韓元吉包馬二公祠記賢者之在天下其生也有以  
惠于人則死也亦有以懷其心故雖里巷匹夫思慕而  
不敢忘敬畏而不敢慢此豈或使之然哉惟其名久而  
行愈彰身亡而道益著百世而下如一日也故古之爲  
治者於一鄉之賢一國之望必尊禮而敬事之或不可  
見則亦謹祇其基域嚴其其廟貌幾若奉其先者非觀

其威靈禍福也所以興起其俗而動化其民使知賢者  
之不辰也宋有直臣曰包孝肅公廬之合肥人也其在  
廟堂不能一歲而薨而其鄉人至今祠公於節婦臺下  
節婦者公之子婦崔也舊宅煨於兵火而表臺巋然獨  
在棟宇卑陋西既再歲民和政成始爲宇寓公之像於  
侯璽安撫淮西張與子及婦於後室位貌顯設儼如家  
中而竹其夫人忠肅馬公亦是邦之傑也與公皆家合肥  
庭侯則又曰忠肅馬公亦是邦之傑也與公皆家合肥  
皆嘗典其鄉郡懷有惠愛令具繪像於學宮博士諸生  
以時奠其基矣願其祠久廢是宜竝祀而無疑者於是  
卽其傍規地以建忠肅之祠惟孝肅忠肅二公其立朝  
本末與崔氏之事有傳在史固不待述而侯乃以廬人  
之意請爲之記嗟乎世之以論孝肅第以剛正敢言辨忠  
邪詆權倖犯天子顏色以議固本罷內降爲難而元吉  
獨歎其初爲監察御史時直言國家取士用人未得其  
實歲貽戎狄非禦邊之策宜選將練兵以爲邊備此誠  
知天下大計爲萬世慮者忠肅公智略明敏雖不致於  
用然識諸名公於未達自呂文靖田宣簡宋元憲陳恭  
公而下期以輔相號知人之鑒其裁剴繁劇釋逋賦  
破械脫縛全活甚衆獨歎其在長沙日亡命率剽掠爲  
七善政固多而元吉獨歎其在長沙日亡命率剽掠爲  
患有捕而殺之者吏坐以死公貸之曰是爲民除害也

建移江寧行次九江屬歲旱民饑湖湘漕米通至公移  
文守將發以賑民會不問其可否真識權知變而善任  
事者非世俗拘掣之比也今延侯膺一道之寄來治於  
廬乃追美二公輸與共祠以慰其鄉閭之思是將興起  
其俗以道其孝弟忠信能合於古矣故爲推明二公志  
其大者書而揭諸祠下庶幾士大夫咸知向慕之不休  
紀其歲月而已也淳熙九年十二月記

### 姚李二公祠

康熙志姚李二公廟在府德勝門外十里許爲宋姚統制  
興李招撫顯忠立又南鄉有姚公祠

### 旌忠廟

明一統志旌忠廟在府之定林宋紹興末金主亮南侵統  
制姚興與金人遇于尉子橋麾兵力戰手殺數百人旣而  
父子俱死事聞卽其砦立廟及復淮西又立廟戰所賜額

旌忠初興以四百騎當金人十數萬金人相謂曰有如姚興者十輩吾屬敢前乎

按明隆慶志姚公廟即姚興在西鄉疑即此

徐將軍廟

明隆慶志在南鄉南河口

明宋濂徐將軍廟碑帝王受天命而興默運元化施陽  
欽陰日月為之御行山嶽為之震疊川若水伯咸聽其  
命而效職獻靈理勢則然也今皇帝定都金陵伐亂  
討逆遣將出師旌旄所向鉦鼓所戒巨城大邑無不降  
順時則有若徐將軍者亦著神功將軍烏程人晉時行  
賈江淮間道虛之巢湖溺死而為神巢民奉之甚謹  
上初渡江諸將多祀神舟中所向克捷或以事問於上  
或戊戌某月命南安侯俞通源即龍江盧龍山為廟祀  
焉擇清修道士汪與權駱德輝徐善誠三人主其事及  
既登大位之六年為洪武癸丑九月大駕幸盧龍時與  
權已化去詔德輝其廟室樹名木且勅改盧龍為獅子  
山德輝等承詔奉祀益恭甲寅某月復相與建祠奉其

教所謂元武神於廟左殿堂門無略具威以爲斯廟與  
國同典將軍之功格知帝主耿耿不誣其本始固不立  
無考而元武之祠威靈日著亦宜牽聯得書乃來請銘  
其銘曰帝興江淮賢豪景從叱咤而雷麾斥而風登惟  
人同鬼神爭助水伯川君罔不來赴維巢有湖神之所  
都陰翊王師鼙鼓龍旗敵城額額大將攸克示以神兵  
暗禡其魄軍聲如霆目無全城一日十勝斬寇率平帝  
詢將臣成功孔速疑有神助使之順伏將臣有言非惟  
戰功維巢有神實張兵戎帝曰異哉何以勸賞爵非所  
安俾其廟享龍江之陽山迴岡翔作鎮於京以綏四方  
有庶有堂有筵有几神之戾止冷風如水都人來觀天  
子聖仁天子褒功及於鬼神都人來言神之威武功尤難  
幾微以佑明主上天垂象龜蛇合形佑我下民功尤難  
名竝祠實宜精神上天垂象龜蛇合形佑我下民功尤難  
炸燧不芒都人薦奠桑稷豆觴人神相依其德弗泯於  
千萬年彌久彌昭

華家廟

明隆慶志在西鄉建於元

馬張二公祠

康熙志 察院東爲明知府馬公金張公瀚立今廢又張公遺愛祠在水西門外

明王錫爵張公遺愛生祠碑記前廬郡太守元洲張公  
既去廬之若干年累遷至今爲大司空而錫爵聞從之  
南中得請業焉公子學爲大儒子吏爲名卿而錫爵之  
生也晚不獲見公治廬事比者橐筆直史館得繙校隆  
慶初年章奏公時益開府南北邊會南北邊多事公所  
笑虜寇虛實及亭法處議所便所不便具爲聖天子言  
朝廷嘗以璽書報從錫爵故耳習焉夫經九折之險者  
不足論康莊苞七襄之文者難爲言製錦公才位合符  
投牒解帶而廟堂之機猷是贊不難不悚顧何有于治  
廬廬之人卽竊竊焉俎豆尸祝公亦何足爲公重也錫  
爵持此言也以謂今太守張君張君曰子言則然抑吾  
見廬人之德公如赤子之方乳于母其去也思焉情也  
何言公輕重哉子強爲辭錫爵故習公至是以廬人語  
乃益習公治廬事公爲政宏惠寬簡帥德自躬不務爲  
玉璽取聲譽成謂長者至於劇撥吏奸建設民利燦然  
皆有條緒可世守而其績效則勤農興學寬賦惠工最  
勤而著嘗按行城西水門觀濠源山其上游建瓴而下  
歎曰民其病涉乎乃束而橋之引流出入於湖人曰有

鄭國之功大治廟學博士弟子以都觀講弦誦其中公  
親爲擊部發蒙人人得所欲去其入室高弟往公以便  
經幄起知名於時人曰有文翁之化歲比不稔公紀三  
友斥俸開倉賑活飢民禱雨雪皆有驗今郡志所紀禁  
應編連袂歌是也人曰有青州之仁通關梁慎獄帑禁  
切所司推酷爲奸利者一切無名之征爲籍而蠲之以  
數千百計人曰有晉陽之寬聽訟立決授史重入人以  
法至其有招撫刺取常先大族有豪居霍邱橫甚公獄  
治之其黨關說百方不爲解部使者嘗都試講武會軍  
亂大課甲而前公披帷故與作好語而陰識視其桀黠  
尤不孫者既罷悉按誅之自是郡中肅清殊雨之奸落  
機牙而寢者無算人曰有渤海之明蓋廬人爲錫爵言  
公如此公既膏澤施廬人功見言信則天子以爲任公  
卿使歷大省而稱舉至今官然於時次爲淹久少年後  
起之士爭先用力勢機鍵以前薪目公公笑謝之召捕嶺  
有同鄉貴人議爲公先容於嚴相所公笑謝之召捕嶺  
南叛兵功未列上而爲他部引訴仆而起不形喜愠于  
色此又公磊行大節特立自信衾影寤寐中而廬人豈  
能盡知之哉夫小人之智淺其求欲易厭而嗜好易遷  
吏於其土者苟見痛疾能咻勢濁能理祈請能致卽脊  
然私而德之欲其長遠無遷買而惻惻於其去如是止  
矣及日疏事往賢者遞至更出法令如琴瑟之改絃快

意願耳豈復思故聲哉夫穎川之政趙子都不名疆力  
能摧奸撥亂乎而班史稱其民歌思之至數世然代者  
爲韓長孺市下車議變法於長老老人人稱便安在  
其歌思也故嘗試論之程功能計日久之吏小人易於  
見私而君子難於爲繼夫惟法常繼於君子而後恩常  
浹於小人若是者神理繫之非可以筐篋簿書一切而  
辦也公去廬久而其後之君子邇風師指承用其法如  
今太守張君大忠吳君道明貳守白君希珩縣令胡君  
時化蓋教訓廬民如公在時蓋錫爵前所言公磊行大  
節有出於世吏之外者廬民不知而君子知之用相與  
封植甘棠導揚緒美與人之誦勒之斯石於乎石可泐  
也公之遺愛弗可泯也

# 呂公祠

## 康熙志葛壽寺左爲明知府呂公鳴珂立

明蔡悉太守呂公去思碑記皇明嘉靖甲子之歲天子  
覈吏治更置冢宰百官駁駁響風適廬陽缺守乃不次  
擬秋官大夫呂公上之天子曰可於是呂公祇承明命  
五月至廬一念憂勤不遑寢息未數月以入觀去廬廬  
之人私相謂曰吾公愛民如是得無以治行超擢乎已  
而公至民大悅時公亦以廬幾久任得展所學慨然謂



人曰卽余不爲民害余之屬有不以某之心爲心者非  
余之咎耶乃日與諸執事可否於庭不爲苟合於是因  
郡上下益信向公思見德化之成云先是郡之弊政里  
甲爲最驛遞次之自公兩立官徵之法其費頓減役其  
役者皆大喜踴躍望若更生焉東南諸圩以隄績不成連  
歲淫沒公先期出票督修之暨夏淫雨兼旬公禱曰天  
如罪某則殛某耳民何辜焉是日雨止起翼日遂霽乃  
遣官賑之是歲岡田大熟圩雖澇不甚爲災久之公歎  
曰廩之淳風稍漓矣不有以挽之可乎乃敦禮鄉賓簡  
授教讀有以不道造庭者反復懲諭必發其良而後已  
往時左右諸役始類恭謹少之漸肆諸公亦每曲貸  
之公獨廉寅於法不少貸諸役亦竦息無以媒孽公一  
郡之吏莫不惕然自戢且輸情效惻之恐後也督學耿  
公以興起斯文爲己任按臨諸郡鮮不面承跡其所爲  
實大相悖耿公至廬尤注意於公公恂恂然未有所言  
繼而其學大進嘗請余曰公不言而道日著矣公笑  
亦自信其然每臨正學書院日與諸生講學多士咸翕  
然宗之甫屆期而太夫人訃音至矣僚屬鄉士大夫其  
不歎歔相顧曰廬人之命也夫行之日自郊及境戀戀  
然不忍別者勿論環城老幼聚而觀之充塞街巷遠邨  
之民間其去咨歎太息如失所依踰年益思之不能釋  
乃相與謀曰易勒石以垂諸久蓋真若子之於親周旋

膝下亦殊不覺一旦違顏色繫館寓積累歲月觸目激  
衷有不勝墮淚者此碑之所由以作也碑成吾邑余侯  
屬余爲之記余惟天子者吾大宗之大父母也守令者  
吾小宗之父母也普天之下皆吾大父母之子弟封疆  
之內則吾小宗父母之子弟也夫羣人而謂之父母子  
弟豈強合而云然哉人人生心而已矣顛連疾苦之  
在斯人匪必曰我司之我有責爾也怵然惕然皆病瘵  
之在乃身信如是則聖天子之心豈不允乎九州四海  
之心守令之心豈不允乎聖天子之心哉公蚤志於學  
確有定守和粹之氣溫於面目見者莫不樂其可親而  
實毅然不可犯以故僚屬同心吏胥畏服恩溥於士庶  
弊剔於欺瞞一慙慙而綱常以明甫肅約而聲教遠宣  
善政善教不可縷述由前一二觀之豈不直信此心洞  
洞屬屬有出於聲音笑貌之外而無愧於父母之責以  
上不負聖天子者耶公一人此心廬之千萬人此心一  
時此心萬古此心雖欲忘公烏得而忘諸公諱鳴珂字  
聲甫號蒼南嘉靖己未進士錦衣官籍浙之麗水人

張公祠

康熙志大東門內爲明知府張公大忠立今遺址亦不可

考

王公祠

康熙志子胥臺右爲明知府王公俸立

馮公祠

康熙志與舊軍器局對門爲明知府馮公聖世立局左有  
來公祠爲來令三聘立

賈公祠

康熙志和平橋西爲明知府賈公克忠立

劉公祠

康熙志舊金斗驛前爲明令肥令劉公徽立

張公祠

康熙志祀張副都御史淳

舒城縣

社稷壇

風雲雷雨山川壇

先農壇

邑屬鄉屬里社三壇俱廢

關聖廟在縣治東

文昌閣在儒學後彤家謂不利移祀小東門書院

城隍廟在縣治東

八蜡祠在大東門外遇蝗災縣官親祭之

三皇廟在縣治東春秋致祭

明王章三皇廟記上古聖神三皇氏開天立極功被萬  
世與天地相為無窮報祀以禮宜也隋之前未及建  
至唐天寶中制始立廟京師有司致祭郡縣猶未元時  
近代詔天下郡縣俱得立廟以祀該盛典也迨廢母怠  
立制詳備三皇廟歲時郡縣有司具禮以祭毋廢歲時  
舒城縣舊有廟在縣署西南近綴於兵朔望奠謁歲懼  
行事權寓草舍深為弗稱歲丁未員侯議來為縣深懼  
其無以厥順德意乃首捐俸為倡僚佐以次成輪俸為  
助士民間風奔走服役恐後醫流汪源請身董其事乃  
市材於山取瓦於陶鳩工於鄉即舊址而鼎建焉正殿  
中峙崇三丈口尺廣口丈口尺深如崇之度重簷飛翼  
四阿環拱東西兩廡修廣如一瑤繪厥象尊卑以序前  
抗重門外繚周垣不侈不陋弗愆於儀他所宜有以次  
完成春秋獻享恪遵典制士民丕悅瞻望咨嗟咸謂侯  
既撫吾民以善政而又急為修舉廢隆以隆祀典不  
可無紀以貽永久以予前嘗執筆太史以紀載為職  
業請為文刻石仲尼有云庖羲氏始作八卦以通神明  
之德以類萬物之情神農氏斲木為耜耨木為耒以教  
天下黃帝垂衣裳而天下治是三聖人者開物成務作  
則垂憲以任茲成輔相之責以左右斯民使天下後世  
得以相生相養於無窮者孰非其力也有生之民皆當  
尊而祀之而有天下國家與凡膺民社之寄者表率章

顯以致崇報尤所當務也近制掌以醫流蓋以韓子爲之醫藥以濟其天死之言也嗚呼三聖人之德之功廣大無窮等天地又豈知是一端而已哉崇德報功曷其有極誠不可以無記

龍王廟在縣西南十五里歲五月二十五日縣令親祭禱雨輒應

明隆慶志洪武初建

三劉祠縣東知府馬金以漢龔頡侯劉信刺史劉毅明知縣劉顯治水有功春秋崇祀

報功祠爲許榮郭象儀建毀于流寇今移建于錢家橋春秋致祭

康熙志爲許榮汪河郭象儀立

明無名氏許侯惠民碑記夫淮右南北要衝風氣剛勁世多豪傑尙矣方今之時其能全民生於至危知天令

收在而德及於無窮者高陽許侯其人焉侯之鄉邑舒  
城實廣州屬邑橫潰之餘顛連無告歲自辛卯團立烏  
沙屯戍加以招懷綏輯散亡復合生齒蜂集室廬鄰比  
越明年結好佗部多寶假以統兵元帥鎮守舒城聲援  
之勢既成甲午春正月有日青軍大肆掠封豕長蛇  
殆不能過臘肉爲食醢血爲漿凡所經由不遺噍類而  
侯發令運謀以防不測連營扼險設伏乘機彼旣偵知  
獨無所犯是年秋趙雙刀攻陷廬州侯則躬擐甲胄士  
氣倍增旣令敵人逐北繼而修治溝壘營繕器械勞必  
身先寢食幾廢丁酉冬陞同僉分樞密院事鎮守如舊  
又爲城建七門堰防三水樓櫓如畫遇者不敢仰視焉  
明年冬再陞同知樞密院事歲至甲辰伏遇今皇帝統御六  
師恢復海宇而廬州已先款附侯焚香誓衆曰我之堅  
守茲土十年於茲者豈日貪天之功爲己之利但爲爾  
鄉井全生計耳今眞命有歸斯民永賴吾屬豈無憂乎  
時卽表上符印具軍實名數租賦悉版以獻有旨遷愛  
未寧仍領所授越歲改今任同知府事至五稔不遷愛  
惠彌篤故其士民一日環立相視曰我侯之流恩布惠  
者一周又餘年矣匪侯之力身曷以生家曷以寧曷樹  
曷耕脫萬死於百千而獲見今之日者皆吾父母侯賜  
也弗載堅珉焉垂不朽咸白縣官長狀其實來屬余文  
爲之記侯諱榮字榮卿儻好施果決有爲於佐理尤

爲之記侯諱榮字榮卿

壇廟

三

有聲云桓桓許侯匪降於常羅虎之雄麟鳳之祥維侯  
謀且力桓桓許侯匪降於常羅虎之雄麟鳳之祥維侯  
挺生通於草昧匪侯之揆實侯之會舉旗義揚大蔽於  
舒解復來完潰復來趨耄艾驩壯強距躍茲敦為之  
向安背虐壁壘既堅草萊既鋤崇墉以門蒲水用防畜  
孽樹藝休養生息農耦倍十兵一當百侯畏孤立於以  
媾鄰聲倚勢連匪好榮恩環敵眾攻墜日礪齒智距力  
支同生誓死佗則燬殘舒則獨完佗則震怒舒則獨安  
佗則餓殍舒則溫飫佗則怨杏舒則煦嫗舒自有邑敦  
德若侯猶子視民與敵作仇既善厥始克保厥終禍福  
一機系侯之衷泰運斯啟六龍御天侯實有知惟恐後  
臣命曰往哉維翰維翼俾貳守臣用嘉爾績鳴珂於里  
匪以為誇樹錦於鄉匪以為華厚德孰酬福以後嗣勒  
銘者私國有太史

南嶽廟

明隆慶志在鹿起山

東嶽廟

明隆慶志在鹿起山



古舒王廟

輿地紀勝在舒城東北三十里寰宇記云漢文帝時淮南厲王子賜爲廬江王古舒卽此縣是也王有遺愛立廟祀之然劉攽記以羹頡侯信二者不同當攷

周瑜廟

輿地紀勝九域志梁肅有周公瑾墓下詩序見合肥志按王象之所稱合肥志是宋人書今不可得周瑜廟明志康熙志俱不載

錢公祠

康熙志龍津橋南爲知縣錢允燦立

王公祠三

康熙志爲知縣王家卿王禎王觀光立

林公祠

康熙志太平庵對門爲林令材立庵內有朱公祠爲朱令世昌立

許公祠

康熙志在城隍廟內爲許令學宗立

傅公祠

康熙志在文昌閣下爲傅學博敏功立

詹事胡公祠

康熙志大東門內

清源真君廟

輿地紀勝在舒城有二畫像相傳爲龍眠居士親筆

廬江縣

社稷壇在西門外

風雲雷雨山川壇在南門外

先農壇在東門外

邑厲壇在北門外鄉厲壇里社壇俱廢

宣聖南祠明洪武三年宣聖五十八代孫孔思原徙家廬江  
萬歷間奉衍聖公府文學院批允家廟二祭子孫俱照闕  
里優恤

關聖廟原名武安祠舊在儒學東明嘉靖間居民建祠于北  
門外

文昌祠舊在儒學門內嘉靖閒改爲啟聖祠康熙四十二年知縣吳賓彥教諭金佐訓導趙颯重于舊基前建閣

城隍廟在縣治北明洪武中居民趙繼宗捐桑棗園地建旗纛神每歲霜降日祭于演武處

馬神廟在縣治南馬廐內洪武中建

大忠祠爲明兵部侍郎陳植死建文難立有祠生

汪聖廟

明隆慶志汪聖廟在小西門外

按祀隋末越國公汪華

祠山廣惠廟

康熙志在縣東南四十里蔡山之陰元至正閒建奉張王

渤海王西漢吳興人祀典列江寧十廟

雙扶廟

康熙志在縣南五十里

無爲州

社稷壇在西門外一里

風雲雷雨山川壇在南門外二里

先農壇在北門外二里

郡厲壇在北門外迎恩寺後

鄉厲壇里社壇舊址多爲居民侵占萬歷九年署州事府通判查志文盡行修復每春秋仲月捐俸給各里並置田畝以供祀典

明陳揚產增設各鄉廟祭田記厲祭之義三代而上邀  
矣其詳著於鄭公孫僑氏說者謂其得鬼神之情狀蓋  
亦祀典所不廢者我太祖統馭宇內皇仁翔洽厚澤覃  
敷凡含齒戴髮有生之衆蒸蒸乎納之生成中矣猶念  
焚獨湮鬱之民生無養死無歸宿者種種陰凝之氣附  
草藉木結軫其罔類足以干太和而兆沴氣乃著為令  
甲凡九州內外無論郡邑大小鄉里遠近皆得厲祭有  
差所為通幽明宜沈抑廣惠澤意至深矣願率循日久  
寢以陋略典則雖具而精意蕩然鄉里厲祀往往棄置  
不講遂令聖神悠遠博厚之澤有至有不則郡邑牧  
長不語於掌故之過也海昌查公以郡丞下視無為事  
七年於茲當歲時厲祭之頃乃惻然念曰有司提挈  
一郡父母之謂何而令四方呼吸之閉區區牲脯有被  
不被是傳舍土地而秦越人鬼不啻之閉區區牲脯有  
心規畫詢耆宿循故典盡復鄉厲之舊為捐俸薪之牛  
隨各鄉里區置田畝課其租入歲計若干令所在約正  
及附近僧徒分掌之歲凡二舉舉事之日以其入得修  
冥薦一如郡祭之例嗚呼公之用心何其仁且遠哉古  
之善觀政者視其所忽而子與氏尚論武王亦曰不泄  
不忘夫厲祀幽遠而里祭瑣細人所易忽何異掩骨放  
鹿而公注厝區畫詳密若此舉置田凡若干處捐俸凡  
纖悉具備矣是不容無紀茲舉置田凡若干處捐俸凡

若干緡董其事者凡若干人例得列如左云

旗纛神在北門外演武場無廟每歲霜降日城守營千總官率兵丁于此致祭

關帝廟在州治前明崇禎十五年燬于賊康熙間士民募捐重葺乾隆五十五年州守蘇椿倡捐重修殿制廟基較舊增拓并建臺宇

文昌祠在東門晏公廟前後毀康熙六年州人朱世持捐貲鼎建後復專祀于延壽寺之左嘉慶四年州守顧浩倡捐重修

城隍廟在州治東

馬神廟在北門大街往歲儀馬官設醮于此

火神廟未建專廟附北門外東嶽廟右

土地祠在州治儀門右相傳爲鄉侯之神又有都土地廟一

名柳藍在皇華坊後街

八蜡祠在北門流芳圃州同齊思禦倭死節附祀

江河祠在大東門外龍潭灣

土主廟在小東門內祀州人唐忠義袁傑

宋賈公祠祀侍郎賈易相傳在北門外今不可考

楚公祠祀宋待制楚建中久廢無考碑存州學

宋趙汝談待制楚公祠堂記郡故祠賢守三曰王公遵陳公璫米公芾王公蘇黃門之壻王適之兄也爲吏健於才紹聖初爲郡人興三圩開十二井又築北嶺以捍水至今蒙其利陳公坐論蔡京錄右司諫斥謫尋起郡復罷其政猶未洽此土也邦人以其天下士而吾里乃幸辱焉故誇以爲榮而米公則翰墨妙當世在郡所作



樓觀皆手自題其匾民每瞻思之余謂是三賢者祠之  
當矣然考諸圖志則先是楚公建中嘗守此其治一以  
清靜不擾去之日有遺愛而獨缺其祠豈不忽諸余反  
復其說得焉西都所傳循吏無惠文時人豈惠文世無  
良吏哉其故可思矣嗚呼國家慶歷嘉祐間天子垂衣  
裳欽大象有司奉法循禮而海內晏安無事田不盡  
利也而食有餘於飽井不盡甘也而飲有餘於味上下  
數十年間其布政郡國者亦大抵皆博學上者即忠信善  
士也故雖以楚公之才學亦不刻厲而發以求自判於  
常非盛德之至歟其後生極理汰法度日益生新改而  
獨非其衣食乃有求厭而不獲者於此與夫利害王公  
生於勤身出力以任之而事著跡存矣與夫惟跡存也  
不得勤身出力以任之而事著跡存矣與夫惟跡存也  
民故不得勤身出力以任之而事著跡存矣與夫惟跡存也  
因名譽蓋其次第如此而楚公遠矣顧有輕重乎哉今  
中興以淮為邊而無為創前之敵難未遠也眾懼莫敢  
即安淳熙志公私始稍鳩聚若欲自況內郡者而閭  
禧戎事勤矣汝談之來承乏此地流宕者未返瘡痍者  
未瘳府無旬月之儲而宿負新貨符督交至余熟視其  
知其為也嗚然歎曰時安得復有楚公者以為爾民父  
母其庶乎而余劣不足進此矣於是議追為公之詞以  
記公行事而歷訪乃無一得蓋公既不以名蹟遺後故

道老亦無傳者相距三甲子矣嗟乎以余之淺陋曾何足知公而區區企竦歎慕如將見之者徒以文正范公所薦而文富司馬諸公之所遊也公既老以天章閣待制歸維世所傳者英圖有公像余因得取之其出處大致在國史不論第論世道本末使知無祠前於公不爲少而有祠今不能爲公多而乃余之意則抑欲使人知夫翹翹之名察察之行凡爲一世之所慕耀而爭趨者皆公之細焉爾嘉定甲戌七月既望趙汝談記

狀元祠宋狀元焦蹈登第七日而卒州人哀之立祠以祀左騏驎廢館中後增入明狀元邢寬

三賢祠在南城明巡按吳百朋廬州通判冀元本州知州何寵俱築城有功故祀之

明賈公祠在北門外萬壽庵右明葛歷閣建祀江防同知賈熙載

史公祠在州治鼓樓北祀明知州史應選

南嶽廟

明崇禎志在州治南門外一里

東嶽廟

明崇禎志在北門外

五嶽殿

明崇禎志在開城鄉郭巨山爲嶽行宮

清流廟二

明隆慶志在無爲鄉

明崇禎志在泥汊鎮湖漲則禱之

康熙志一在許家埠一泥汊水神也

水府廟

明崇禎志倉埠門外水側

康熙志倉埠門外又各鄉五所

獨山明王廟

明隆慶志在開城鄉圩埂

巢湖廟

康熙志廟多不勝記其得名者天井銀屏九卿石礪諸山  
桐城鄉襄安鎮神卽中廟所奉碧霞元君

北神廟二

康熙志一開城鎮一南鄉蓋北嶽也

漢皇廟

康熙志在北鄉孝惠帝元年令郡國立高皇帝廟時無爲

州屬淮南國故得祀云

魏武廟

明隆慶志在州治內今廢

宋郭祥正詩滿須山頭祠魏武並轉紅裳按神鼓蘋藻  
盈筐酒滿尊呼吸風雷激春雨田疇高下春雨平操牲  
飲酒羅中庭吞吳刺魏還歸晉血食猶參社鬼靈

螭磯廟

明隆慶志在周興山大江中心祀蜀先主夫人孫權妹

康熙志世傳夫人省母居樂江間昭烈崩哀慕殞絕今之

廟其藏棺所也宋賜額曰靈澤舟人阻風泊此必祭之

按螭磯舊有道士結廬其上宋政和間賜名寧淵觀見陸

游入蜀記

倪從震澤廟記蓋祀典崇四瀆江居其一庶人不得與祭禮也然江流綿亘萬里風濤翕忽不齊吉凶易相感觸以故國初江上諸廟得賜額而通祀者併有捍災禦患之功時有因革跡有廢興往往稽神之姓字始末難證焉惟蠓磯山廟神靈澤夫人孫氏世相傳為吳大帝妹蜀先主之配還省其母居于樂江間先主崩以哀慕殞絕今之廟藏柩所也蕪湖縣治一望而近兀然卷石在江之濱而廟據其境凡雨暘愆則必于是而禱焉有憾未嘗不應舟之往來遇風險莫不呼委命於神其幸而濟者曰神之休也有宋賜今廟額封號而神益以貴顯信于視聽矣長江微限廟煥于兵道士謝德仙捐力起廢始為正殿設李老君諸人神像以尊其教置別室位夫人於中前為門後為樓而祠于旁墓和陽邑民翁氏畝施田四百二十餘畝資香燭供祀之費辛勤三十年始復其舊而有加焉乃紀其事介其友廬山周君靜調予于京師囑為記按史漢建安十四年大帝資先主荆州之地而妻以妹先主西入蜀大帝以舟船迎妹南歸與世相傳略同其藏之是否與廟之因始蓋闕如也史又謂夫人才捷剛猛有諸兄風婢百餘人皆持刀侍立以先主之相才大略猶凜凜然敬畏之夫有所敬畏則晏安內寵之患何自而生開時之業其或有賴焉不然則其所存者詎能與江流相為無窮哉予嘗舟過

其下舟人莫不瞻仰致敬竦然有所修省見于聲色凡  
人平居無事則肆怠無所顧藉孰知天地神明道在咫  
尺而平陸之險有甚于疾風巨浪者苟內視無怪雖演  
海亦若偃吾榻焉其內省有愧又寧事于外求哉雖然  
聖人以神道設教則廟位之立其或一助云  
明王守仁詩中流片石倚孤雄下有馮夷百尺宮  
西蟠渾渾失地長江東下正無窮徒聞吳女理香玉惟見  
沙鷗亂雪風往事淒涼何足問永安宮闕草萊中  
又江上孤臣一片心幾經漂沒水痕深極憐撐拄卽從  
古正恐崩潰或自今薛蝕秋螺殘老翠螺鳴春雨落空  
音好攜雙鶴溪頭坐明月中宵一朗吟  
明吳廷翰詩日斷長江遂自沈淚殘香骨杳難尋千年  
不盡歸吳恨一死能明去蜀心世代山河傷虎關歲時  
風雨聽螺吟欲知英烈如生處獨有濤聲無古今

子房祠

康熙志開城鄉桃花嶺有古碑臥蒼蘚中字多剝落不復

可辨

孔明祠

明隆慶志在襄安鄉

康熙志一名軍師廟左右關張二像

文孝廟

明隆慶志在北鄉

按祀梁昭明太子相傳諡文孝皇帝

張喬二侯廟

輿地紀勝在州治之東紹興乙巳鄺瓊叛太守趙康直死  
之統制官張璟喬仲福以不從亂被害於州治後立祠以  
祀之張昶詩云偉哉張與喬忠烈激偏裨

按明一統志張喬廟在府治東

汪聖廟



明崇禎志汪聖廟在開城鄉陽山

康熙志神名華新安大阪村人隋末屯兵烏聊山稱吳王  
唐封越國公宋政和賜廟額曰忠顯德佑改忠烈元至正  
元年進封昭忠廣仁武烈靈顯王明洪武四年大正祀典  
凡淫祠一切報罷徽所存惟此故江淮亦通祀之廟有二  
武士介而立於門一毛甘一汪節歛人漢建安之亂常率  
眾保烏聊事見三國吳志節績溪人唐神策將軍有神力  
長安東渭橋石獸重千斤節獨徙置之能負石礮礮上以  
木架牀設龜茲樂一部曲終略無難色德宗甚加寵異見  
太平廣記廟中又繪宣城長史汪鐵佛淮安長史汪天瑤  
二人皆神同族乃據郡稱王時二佐也

曹彬王廟

明隆慶志在開城鄉

明崇禎志一在襄安鄉駐馬背相傳有曹氏兄弟七人團保鄉曲州人立廟祀之今稱七先鋒者是俗誤作曹彬司徒廟

康熙志在十字街名茅王廟今圯又陸錦曠周興鄉桐城鄉魏家渡口各一神茅勝揚州人隋封司徒宋李全謀逆禱於神不吉乃曳像剖破之後全被戮於新城肢體皆散如全所施於神者帥趙范請于朝賜額曰英顯後進稱王

薛公廟

康熙志大東門外又橫步橋與晏公廟俱水神

晏公廟二

明崇禎志在州治東門外神封清浪侯州人所必祭

康熙志一東門外周興鄉神封清浪侯

樓三廟

明崇禎志在泥汊鎮一在青山圩埂相傳國初鄱湖之戰陣亡之魂憑樓纜以爲神舟人必祭否則有覆溺之患

康熙志一在周興鄉

白馬先生祠

康熙志在無爲鄉

三神廟

康熙志在桐城鄉亦名漁獵三聖廟漁家祀之

都土地廟

明崇禎志在黃華坊一名伽藍廟

巢縣

社稷壇在縣北三里

風雲雷雨山川壇在縣南五里

先農壇

邑厲壇在縣東北三里

鄉厲壇里社壇俱廢

關帝廟縣志凡二處一在柘皋西街一在北關外舊在縣北半里許義塚之北嘉靖二十六年知縣樊公韶移近北城歧路之口鼎建足壯偉觀且爲北方保障萬歷十八年馬

公如麟重修

文昌宮在臥牛山上

旗纛廟在縣東山演武場

城隍廟在縣治東北仁壽坊馬神廟在門內配以伯樂及青山  
水草之神又柘皋亦祀城隍蓋因其地爲古縣也

八蜡祠在縣治儀門左一察院東

亞父祠在縣衙內一治東七里

明葉逢春修亞父祠小記士不可以成敗論余觀楚漢  
之際劉項得失寬猛之間耳亞父當時未盡沛公見可  
以計事者無過羽故以身許之無何議沛公有天子氣  
而已不可貳矣古之人若荆卿之死燕太子侯生之死  
無忌爲知己也而有謂君臣之義未定則非也彼羽乃  
亞父所主也行年七十曾不輕試一出而志欲成呂望  
之業此豈世小丈夫功名富貴者爲哉事一不成遂從  
而捨其短而志郡者列之外傳余甚悲之而爲之言曰

士有幸有不幸亞父者不幸之子房爾未可軒輊論也  
骸骨之請何殊從赤松子遊沛公曰有一亞父不能用  
至垓之三傑其奇計必有以服沛公之心者矧劉項共  
逐秦鹿三傑之與亞父文誰爲順誰爲逆也曷外焉第  
令陳君特新其祠豈有見於斯哉而余爲道之如是令  
豪傑者不泯泯云

南嶽廟

明隆慶志在縣治北

東嶽廟

明隆慶志在北門外

真武廟

康熙志在西鄉蘆溪豬蘆溪俗誤盧杞

碧霞元君廟

康熙志在縣西北四十里蔣家渡

三官廟

康熙志近鎮巢驛一在秀山舖其在湖南蓮塘岡上者頗擅湖山之勝

白龍王廟

康熙志在縣西四十里各鄉多有之

青龍廟

康熙志在縣北青龍山頂祀真武地極幽曠

中廟

康熙志在巢湖北岸見合肥

巢湖廟

康熙志所在非一惟銀瓶高處據眾峯之巔俯視州境

五顯廟

康熙志凡四二在城一鎮巢驛後一河街德政坊其在諸鄉多不及記

天王廟

康熙志凡二俱在城一後街積善坊一北門長樂坊今改青蓮庵

二賢祠

康熙志祀巢父許由在萬家山之麓今移山坳甘露庵

伍公廟

康熙志在柘皋玉蘭橋西云祀子胥之神爲鄉民作社處蓋卽五穀之諺也



三閭大夫祠

明崇禎志在縣東聚賢所

康熙志卽東門外競渡廟每歲五日龍舟水嬉畢集於此

范增廟

明隆慶志在新安鄉

居巢子祠

康熙志縣學內祀唐劉知幾詳古迹又河南浮橋東有廟

祀知幾爲水神

張王廟

康熙志縣治東祀唐忠烈睢陽張公俗稱爲宏通廟明末

典史陳國梁建

袁王廟

康熙志祀唐末無爲州人袁傑

姚王廟

明隆慶志在縣東山岡上宋紹興末金主亮南侵統制姚興與金人遇於尉子橋麾兵力戰手殺數百人旣而父子俱死事聞卽其故砦立廟及復淮西又立廟戰所

金主亮詩獨領孤軍將姓姚一心忠孝爲南朝元戎若假徵兵檄未必將軍死尉橋

蕭公廟

明隆慶志在縣治東山頭卽故居巢子書院上有折桂亭

駟馬橋

康熙志在東聖宮前祀蕭劉晏三神前建折桂亭爲邑庠

士賓興餞送之所

晏公廟

康熙志傷水迎湖河南直街盡處

胡公廟

康熙志在柘皋灣南五里

胡漢二王廟

康熙志在雞魚河並祀土神俞公其一鼓山東北其廟名則不知何義

俞公壇廟

康熙志在柘皋鄉廣嚴寺傍又黑象河有俞公小廟

張蔣二公祠

康熙志祀知縣蔣英才按院張任學因二公蜀人同鄉故  
共爲一祠

周公祠

康熙志在長樂鄉爲縣令周恩充立

馬公祠

康熙志在柘皋玉蘭橋西爲縣令馬如麟立

甯公祠

康熙志在北門內爲縣令甯承勳立